



BIBLIOTHECA
UNIV. JAGELL.
CRACOVENSIS

588952

kal.komp.

Mag. St. Dr.

I

Pew 483.

L10862
IB




588952 I
Mag. St. Dr.

VIII. 14. 10.

XXIV. 3. 98

1393



2641

Therley

D

ex l

I

in C

M. I.
S. T.
felli
oru
fis
Reg

M.
Phi

I

Ann

DECISIONES CANONICÆ

De Qualitate Ordinandorum
ex Libro I. Decretalium Gregorii IX.
Titulo XI.

DESUMPTÆ,

atq;
in Collegio Juridico Universitatis Crac:

Per

M. IOANNEM CANTIAM TORYANI
S. Th. Doctorem, U. J. Doctorianum Pro-
fessorem, Collegam Juridicum, Judici-
orum Consistorii Generalis Cracovien-
sis Assessorem, ejusdemq; Cancellariæ
Regentem, Ordinandorum & Approban-
dorum Examinatorem,

Objectis Satisfaciente

M. SEBASTIANO, JOAN: CANT: CZOCHRON
Philosophiæ Doctore, Matheseos Professore, Scholæ
Parochialis S. Spiritus Seniore,

publicè atq; disputandum
per Casus Juridicos

PROPOSITÆ

Annò Domini 1775. Die 21. Mensis Februarii

CRACOVIAE TYPIS UNIVERSITATIS

AD
ILLUSTRISSIMUM
ET
REVERENDISSIMUM DOMINUM
D. JOSEPHUM, NEPOMUCENUM

De Niegolewo
NIEGOLEWSKI,

Divina Vocatione Regii Monasterii
Calvo-Montani Sanctæ Crucis, Inclytæ
Congregationis Benedictino-Polonæ
ABBATEM, Dominum Mæcenatæ
Amplissimum.



588952

I

ILL USTRISIME MECÆNAS.



Etsi nunquam in mentem ve-
nit dubitare quo Nomine pri-
mam Dissertationis, quam proponere co-
gitabam, frontem, quam maxime
splendidam efficere deberem, subdubi-
tabam tamen, quid potissimum de Fu-
re deligerem, quod tanta luce dignum
esset. Novi siquidem nihil magis
TIBI arridere, quam quod publicum
sapiat commodum; eumq; semper sen-

sum fuisse, & hactenus esse, quod etiam Ipse TIBI pridem displicuisses, ni Patria & Ecclesia, in omnibus utilis & commodus fores. Scilicet: (ut generaliter de TE loquar) maximam hanc virtutem à TUIS Prædecessoribus jure hereditario in TE devolutam esse, extra dubium est; ex quo consequitur, quod cum in aliis Bono communi proficuum esse, ars & industria vocatur, in TE quodammodo necessitas & connaturale videatur. Hæc illa sunt, quæ TE mihi semper spectatissimum reddunt, hæc quæ me impellunt, ut præsentem de Qualitate Ordinandorum ad habendum in seligenâis Ecclesiæ Ministris delectum, utilem (ut in Domino confido) Dissertationem inscribam. Ad cuius profectò rei amplitudinem præ Oratorum laudibus purum Historico- rum testimonium & fides satis abundè facere videntur, qui præclaram
Fami-

*Familia TUÆ seriem, longa Senato-
rum, Magistratuum, Officiorum Re-
gni, Virorum sagō & togā, virtute
eximiisq̃ dotibꝫ, non minus quā
Generis Nobilitate præstantium enu-
meratione pertexunt. Prima siquidem
Majori in Polonia Grzymalitaru
NIEGOLEWSCIORUM Gente na-
tus, quæ videlicet propriis TUIS de-
coribus illud addidit, ut magis in
TE suspicerentur, atq̃ evidentius
præclaræ TUÆ dotes paterent. Quas
quidem mihi nihil opus est huc ad-
ducere, vel ad Nobilissimæ splendo-
rem Prosapiæ, vel ad TE ipsum or-
nandum, cum TIBI à TE ipso satis
gloriæ, satis decoris sit. Neq̃ verò etiam
carissimi Parentis TUI JOANNIS
Grzymalitæ NIEGOLEWSKI, The-
saurarii primum, dein Venatoris Ca-
lissiensis, nunc Posnaniensis Pincernæ
merita, Matrisq̃ SOPHIÆ de Skrzy-
pno è TWARDOWSCIS, VENGE-
SLAI*

SLAI in Iankowice, Lusowek, Czeradź,
Kumienk, ac aliis Bonis Hæredis Fi-
liæ, Famina præstantissima, aut Ge-
nus, a Qua Celsissimi ANTONII
Principis JABLONOWSKI Palati-
ni Posnaniensis, Illustrissima OTO-
LIÆ de SKAŁAWSCHIS WIL-
KONSKA Castellana Crywinensis,
JOSEPHI Wyssogota ZAKRZE-
WSKI Pocillatoris Vschowensis, Ja-
strzębiec SWIĘCICKI Maternus
diffluxit Sanguis, aut dotes, aut vir-
tutes persequar, tum ne horum ne-
dum laudibus, sed reminiscentiâ ipsâ
nimis longè provehar, tum ne rem
in recenti omnium memoria positam
narrare, laudisq̃ genus à TUIS magis
mutuari, quàm à TE ipso repetere
videar. Iisdem de causis officiosô
silentiô præteribo Illustrissimum IGNA-
TIUM TWARDOWSKI Calissien-
sium Palatinum, Avunculum TU-
UM, Virum probitate, sapientiâ, &
autho-

authoritate in Republica Polona clā-
rum, in primisq̃ popularem. Ad pro-
pria TUA ornamenta festinando vel
invitus, debita tamen cum reveren-
tia, emittam Patrum TUUM dignissi-
mum ANDREAM NIEGOLEWSKI
Vexilliferum & Iudicem Surrogatum
Posnanensem, una & Capitaneum
Pobiedziscensem, cum ANNA de
SKAŁAWSKIIS, Consorte sua lectis-
sima, MECHTILDEM Patris TUI
Germanam, cum GABRIELE de Łago-
wicz SZCZANIECKI, Viro Orbi Polo-
no ex meritis noto, MICHAELEM Ve-
xilliferum Vschovenssem, Avum TU-
UM, cum CHRISTINA ANDREÆ
CZACKI Tribuni Calissiensis, de
HEDVIGE MODLIBOWSKA pro
creata Filia, neq̃ ponam ob oculos
MATTHIAM Vexilliferum itidem
Vschovenssem, Proavum TUUM,
qui primis nuptiis de URSULA
ZEGOCKA Capitanei Costensis Fi-
lia

lia, secundis de ANNA DZIERZ-
BINSKA Iudicis Terræ Vschovenfis
Filia, CASIMIRUM Filium, Pobie-
dziscensem Capitaneum, SOPHIAM
Sacrae Divinissimi BENEDICTI
Familia Sociam; ANNAM verò
ADAMO MYCIELSKI Dapifero
Posnaniensi, CONSTANTIAM
ANTONIO SZOŁORSKI, LU-
DOVICAM demum MICHAELI
DZIAŁYNSKI Bydgosciensi Castel-
lano Conjuges procreavit. Nihil pro-
feram de ANDREA Pobiedziscensi
Capitano, Abavo TUO, nam Ejus
in DEUM munificentiam Ecclesiæ
Posnaniensis, & Bucensis loquuntur.
Mittam Germanos TUOS, Illu-
strissimum & Reverendissimum Do-
minum BERNARDUM, Sacri Ci-
sterciensis Ordinis Andreoviensem
ABBATEM, Virum de Ecclesia
DEI bene meritum, Literarum, Li-
teratorumq; Amatorem, singularem

meum

meum Patronum: MICHAËLEM &
FRANCISCUM, MAGDALE-
NAM, cum suo carissimo Coniuge
SKAŁAWSCIO jam pridem coronâ
vitæ in Cælis redimitam, JULIAN-
NAM Virginem, omni virtutum
genere ornatissimam, Sorores; aliosq̃
bene multos mittam, cum Genere,
cum alia quavis necessitudine Tecum
junctos, memoratu dignissimos, con-
siliis, viribus inconcussis, gladio, in
Majestatem obsequiis promptissimos,
in Cives amabiles, & munificos, in
hostes Patriæ vultu minaces, oculis
fulmineos, studia & conatus in Rei-
publicæ usum, ac commodum impen-
dentes, qui pridem vitam & san-
guinem, Regum, Civiumq̃ obsequiis
perpetuò Sacramentò addixere, qui,
inquam, bellica ad negotia, velut
ad bellaria alacrem dexteram expor-
rgebant, fervere Martis clasticum,
ac si votivum celestina lata aure ex-
cipie-

cipiebant, inter præliorum procellas,
velut adamantina medio æquore ste-
tere rupes, nulli vento, nulli turbini
cedentes. Eorum alto in sanguine
Gnesnensem & Leopoliensem Archi-
Episcopos, quatuor Episcopos, Calis-
sienses bis duos, Brestenses Cujavie-
enses tres, Junovladislaviensem,
Podoliae, Plocensem Palatinos, Po-
snanienses tres, Gnesnenses duos, Cu-
javienes tres, Culmensi cum Ge-
danensi unum numeras Castellanos.
Illud unum perlibenter repetam, TE
cum primis a Familia TUA & in-
gens ad terendam jam virtutis,
jam laudis viam, incitamentum, &
in ea ad gloriose tenenda Domestico-
rum exempla, lucem ac copiam, &
per eam perveniendi ad summa, vi-
res & adjumenta sumpsisse, & ma-
ximum illi à TE accessisse decus. Quo-
rum unum uti cum Majoribus TUIS
commune TIBI est, ita alterum, quod
sequi:

sequitur, TIBI proprium. Gesserunt
Aborigenes TUI omnes bonorum ti-
tulos, belli & pacis gessere officia,
propugnauerunt Religionem & Li-
bertatem, TU sparsas per singulos
virtutes, divisasq; collegisti decora,
ac novam de proprio indies accumu-
las lucem. Idem in TE est, quem in
TE colo, aspectus, eadem in fronte
cernitur gravitas, in oculis ameni-
tas, in ore spectatur affabilitas, idem
index modestiae rubri genas pin-
git, idem testis iustitiae sermo. Ni-
hil perinde mirum, ABBAS ILLU-
STRISIME, quod in TE ingenii va-
stitas reperiatur, magna Divinarum,
humanarumq; rerum notitia, magna, dif-
ficillimarum rerum intelligentia, atq;
perspicacia, magna antiquorum vici-
niorum, nostrorumq; temporum, Regno-
rum, Rerumpublicarum, politici noti-
tia, magna inde lux prudentiae, soliditas
consi-

nsui, maturitas iudicii, ita; ut pa-
res TIBI invenire, aut similes, per-
quàm difficile. Quem enim latere
potest, TE à primis vitæ incunabulis,
optimas disciplinas, quas in Po-
snanensi Academia, me ibidem, (si
gloriari licet, uti quidem tantò Dis-
cipulò gloriari expedit,) humaniorum
Artium Magistrum agente, didicisti,
eouſq; in deliciis habere, ut in omni
fortunæ gradu illis magis semper,
quàm TIBI vixisse videaris. Ma-
jori indies animum TUUM exornans
sapientiâ, nullis laboribus, nullis im-
pensis parcis. Nihil in vita, nisi
præclarum, laudandumve agis, scribis,
moliris, sentis, dicisq;. Istbinc pro-
venit, quòd Literatos vehementer a-
mes, libentissimè excipias, eosq; foven-
dos esse & palàm dictites, & opibûs
TUIS impensè complectaris. Hinc
quoq; est, ut docti omnes, eruditiq;
TE in deliciis habeant, certatim lau-
dibûs

dibús extollant, suisq; scriptis Nomen
TUUM inferere gestiant. In TE
ABBAS ILLUSTRISIME, Patriæ
charitas, Religionis claritas, Eccle-
siæ zelus luculentissimè elucet. In
TE veneror animum TUUM ad gra-
vissima quæq; pericula sustinenda for-
tem, ad consilia prudentem, ad casum,
fortunamq; felicem, ad hominum inno-
centium defensionem constantem &
expeditum. Quod nimirum tam ar-
duum, tamq; periculosum est negotium,
quod TU non libenter suscipias, aut
non consiliò regas, aut non integrita-
te temperes, aut non auctoritate per-
ficias & confirmes? Non TU Digni-
tatem TUAM cum voluptate con-
jungis, sed in labore corporis atq;
animi præclara contentione conficis,
non manus TUAS turpis largitio re-
net, sed pia liberalitas exercet; non
mentem quies à labore, non ingenium
remissio à laudis exercitio avocat, non
candor

candor ab oculis. non castimonia de-
niq̃ à toto corpore abest Libravit
aqua lance hanc TUARUM dotum
mensuram primum regnante Boleslao
Chrabri in Regno Poloniae Calvo-
Montanum Ordinis S. BENEDICTI
A. D. 1005. erectum, Sanctae Crucis
Monasterium, perspexere ad magna
natum animum incluzi illius Canobii
Patres, observaverunt virtutes &
merita supradicti Conventus Confra-
tres, atq̃ TE suum Abbatem, Loci
percelebris martyrio sanguine 88. Re-
ligiosorum cum suo Abbate Stanislao,
à Tartaris, Regnante Boleslao Pu-
dico pro Fide Catholica tinctu, Viris
Nicolao Koźniński, magna opinio-
nis 13. annorum Priore, A. D. 1490.
secundo sub lapide ante Sacristia gra-
dus sepultio, Stanislao de Bogustawice
Sierakowski Stemmatis Ogończyk,
magnanimo sanctitate. imò, & mira-
culis claro Abbate, post annum Christi
1600.

1600. mortuo, ac (quod summa Loci
Calvo-Montani laus est) illa grandi
portione Crucis CHRISTI Domini,
quam Constantinopolitanus Imperator,
Stephano Regi Hungariae, Patri S.
Emerici, Cognati autem Boleslai Re-
gis, pientissimi hujus Cænobii Funda-
toris miserat, & S. Emericus Loco illi
largitus est, insigniti Prælatum perli-
benter esse voluerunt, gubernandasq;
Monasterii habenas, TIBI, utpotè Viro
dexteritate, prudentia, liberalitate,
humanitate, bonitate, moribûsq; lauda-
tissimo commiserunt. Sed quid ego
hac persequarè quasi verò aut omnia
enumerari, aut recensita pro dignitate
tractari, celebrariq; posse existimem.
Imò verò: cum nihil certius sit, quàm
ea, quæ maxime laudabilia sunt, in
summis quibusq; Viris satis laudari
venisse posse, pauca hæc vel sic comme-
morare velui, ut quæ modò dicantur,
satis ad gloriam sint. Ex quibus ta-
men

men inferre prouum est omnibus, quib^{us} dotib^{us} ABBAS ILLUSTRISSIME ornatus sis utq^{ue} plura non recenserentur, ingens laudum TUARUM copia fecit. Superest, ut DEUS OPTIMUS Maximus, prosperam, faustamq^{ue} TUI incolumitatem reddat, faciat amenam, iucundamq^{ue} senectutem, vigorem animi corporisq^{ue} adaugeat, dies deniq^{ue} serenos & auspiciatissimos TIBI largiatur.

Ita voveo

ILLUSTRISSIMI ac REVERENDISSIMI
DOMINI, MECENATIS AMPLISSIMI.

Servus obsequentissimus,

Author Opellæ

nandorum succurrendo, doctrinam de qualitate Ordinandorum breviter exponendam suscepi. Si enim (pensabam intra me ipsum) turpe est patritio Viro jus suum ignorare (*) certè: turpius est Clerico nescire ea, quæ ex professo scire, ex officio prædicare tenetur, ne circa ministerium Altaris existens, quomodo & qualiter ad illud evectus, quæ muneris illius sint, quæ in eo scientia requiratur, horum ignarus habeatur. Ne itaq; ad ministerium Altaris electi illotis (ut ajunt) manibûs ad Divina Mysteria accedant, nempe: ne accedant cum illa ignorantia, quâ omnino carere debent, operæ pretium duxi nonnulla scitu digna de qualitate Ordinandorum ex professo instillare. Materiam præsentis doctrinæ Ordinandis exinde necessariam esse censerem, quod eam illis eruditionem adferat, quæ vel maximè in examine publico tendentibus ad quemcunq; sive minorem sive majorem Ordinem obvia est. Hac itaq; in materia sit.

§ I.

(*) gl. in ff. De orig. Jur. verb. *Necessarium.*

§ I.

Qualitas Ordinandorum quò ad etatem

I. *Ætas Ordinandorum non à tempore conceptionis, sed ab hora nati-
vitatís computatur. (a) Ætas verò nihil
aliud est, quàm quædam temporis
mensurâ, à nativitate usq; ad obitum
recurrens, indeq; non in utero matris
incipit, sed in partu initium recipit.
Nec attenditur à die Baptismi (b)*

II. *Prima Tonsura non potest con-
ferri infanti, sed ad illam suscipien-
dam annus septimus completus requiri-
tur, (c) Ad tres priores minores Or-
dines, juxta antiquos Canones, nemo
ante duodecimum, neq; ad Acolithatum
ante decimum quartum ætatis annum,
(d) ad Subdiaconatû verò nullus ante
vigésimum, (e) ad Diaconatum ante
vigésimum quintum, ad Presbyteratum
ante annum ætatis trigésimum,
completum promoveri poterat. (f)*

A2

Suc-

(a) *Bald. lib. 5. cons. 19. c. nro 3. (b)
Congr. Conc. ap. Fagnan. ad c. In cunctis. De
elect. nro 135. (c) c. ult. h. t. in 6. (d) Can.
In singulis. Dist. 77. (e) Can. Quicunq; d. Dist.
77. (f) Can. Placuit & Can. Episcopus. cit.
Dist. 77.*

Succesſu temporis jure ſtatutum fuit,
ut poſſit quis (aliò Canonicò impedi-
mentò non obſtante) liberè in deci-
mo oétavo ætatis anno ad Subdiacono-
natum, in vigefimo ad Diaconatum,
in vigefimo quinto ad Presbyteratum
promoveri. (g) Ex ultima tandem Ju-
ris Canonici diſpoſitione nullus in
poſterum ad Subdiaconatûs Ordinem
ante vigefimum ſecundum, ad Diacono-
natûs ante vigefimum tertium, ad Pre-
sbyteratûs ante vigefimum quintum
ætatis ſuæ annum promoveri debet;
(h) quod etiã extenditur ad Regu-
lares, quorum privilegiis hac in partè
derogatur. Sufficit verò hos annos,
ad ſuſcipiendos Sacros Ordines præ-
requiſitos eſſe inchoatos, conformiter
Juri antiquo, quò annus inchoatûs tan-
tùm requirebatur; adeo ut ſufficiat, ſi
hic annus fuerit inchoatus per unum
diem, (i) imò ſi per dimidium quadran-
tem inchoetur, (k) quia tunc quoq;
pro-

(g) Clem. Generalem. De ætat. & qualit.
& ord. præficiend. (h) Conc. Trid. ſeſſ. 23. De
Reform. cap. 12. (i) Sánchez lib. 7. Moral.
cap. 1. dub. 33. Koning. De Sacram. diſp. 20.
nro. 102. (k) Leander ap. Dianam par. 9.
træct. 9. reſol. 50.

propriè dicetur, quod quis nōn sit ordinatus ante annum præscriptum. (1)
Ad Episcopatum verò (quod in hoc Ordine speciale est,) requiritur annus ætatis trigessimus completus. (m)

III. Quod verò ad minores Ordines attinet; pro his jure novo nulla certa ætas est præscripta, nihilq; quò ad illos est innovatum, ac proinde requiritur nunc in iis ea ætas, quam Jus antiquum statuit, (n) ut supra dictum. In hac verò ætate Episcopi jure ordinario dispensare non possunt, ideoq; pro dispensatione Summus Pontifex adeundus est, (o) quia Episcopi non possunt ordinariè relaxare Jus Canonicum, vel Jus Concilii Generalis; possunt tamen dispensare autoritate delegata, si id sibi permissum à Summo Pontifice habuerint; prout facultatem dispensandi super integro anno ad Presbyteratum, & non ampliùs, habent.

IV. Episcopus ordinans aliquem
ante

(1) Garzias De Benefic. par. 7. cap. 1. nro. 11. (m) c. Cū in cunctis- De elect. (n) Congr. Conc. ap. Piasceki in prax. Episc. par. 1. cap. 1. artic. 4. nro. 1. (o) gl. in cit. Clem. Generalem.

ante legitimam ætatem, à collatione
Ordinum suspendendus est, taliter ve-
rò ordinatus jure antiquo etiam erat
suspendendus ab Ordinum sic susce-
ptorum executione, donec ætatem de-
bitam consequeretur. (p) Jam autem
recentiori jure sic Ordinatus est suspen-
sus ipso factò, & si ante legitimam
ætatem, durante suspensione, ante-
quam ab ea absolutus sit, in susceptis
Ordinibus ministrare præsumperit, eò
ipso irregularitatem incurrit, ac ul-
tra alias pœnas, Beneficiis Ecclesiasti-
cis privari potest. (q) Porro: quamvis
hoc Jus novum de Clericis tantum
Sæcularibus loqui videatur, ejus ta-
men dispositio habet etiam locum in
Regularibus, (r) quia in materia,
quæ æqualiter respicit Sæculares ac Re-
gulares, (qualis est circa Ordines su-
scipiendos] nomine Clericorum com-
prehenduntur quoq; Religiosi. Hoc
Jus novum extenditur etiam, ut sic
Ordinatus non solum sit suspensus ab
Ordinum susceptorum executione usq;
ad le-

(p) c. *Vel non est. h. t.* (q) *Constit. Pii II. quæ incipit - Cum ex Sacrorum -* (r) *Ko-
ning h. t. ex Constit. Sixti V.*

ad legitimam ætatem, qua adveniente cessat impedimentum, sed est suspensus perpetuò, donec absolutionis beneficium consequatur, nam cum suspensio hæc sit in jure simpliciter & absolutè lata, non debet sine textu juris restringi ad certum tempus, & Canones, dum volunt temporalem tantum suspensionem infligere, id solent exprimere. (s)

V. Aliqui volunt, quòd Ordinatus Sacerdos ante legitimam ætatem, si in ipsa Ordinatione cum Episcopo celebret, (ut sit sub tempus Ordinationis Presbyterorum) incurrat suspensionem simul & irregularitatem, antequam solus celebret; suspensionem quidem ex eo, quod ante legitimam ætatem fuerit ordinatus; irregularitatem, quod in sic suscepto Ordine ministraverit. [t] Contrarium tamen probabilius est, quia Canones, qui ferunt irregularitatem in Clericum ministrantem in Ordine, à quo suspensus est, loquuntur & intelligi debent de suspensione prius contracta, & de usu
Ordi-

(s) Navarr. cons. 30. in fin. & cons. 35. nro. 1. De temp. Ordin. (t) Navarr. Lopez h. t.

Ordinum suspensionem consequente;
ut si quis ministret in actu distincto
ab Ordinatione sua, nova voluntate
assumpto post priorem Ordinationem,
& moraliter separabili ab Ordinum
suspensione. Illa verò simultanea ce-
lebratio, quæ sub tempus Ordinatio-
nis fit cum Episcopo Ordinante, non
est ministerium, seu exercitium nova
voluntate susceptum, nec moraliter
separabile ab ipsa ordinatione, cum:
juxta Ecclesiæ usum illa cærimonia
sit inseparabiliter conjuncta cum ipsa
Ordinatione; hinc: in hac materia
parali & odiosa benignior interpre-
tatio fieri debet; maximè: cum secun-
dum praxim & stylum Cancellariæ A-
postolicæ tales non reputentur irre-
gulares (*)

VI. Et si censura suspensionis
per absolutionem ab Episcopo, vel
Confessario privilegiato datam, abla-
ta sit, debet nihilominus Ordinatus
ante legitimam ætatem abstinere ab
Ordinis suscepti executione, donec ad
ætatem legitimam pervenerit; cum
iple non nisi Summus Pontifex in æ-
tate

(u) Suarez *disp.* 21. *De Censur.* Sect. 1. mo 71.

tate ad Ordines requisita dispensare possit; quamvis, si absolutus ante requisitam ætatem in Ordine ministrer, irregularis non fiat, & completa ætate mox sine alia dispensatione in Ordine suscepto ministrare possit. (w)

VII. Qui ad minores solùm Ordines ante legitimam ætatem promotus est, vel etiam ad majores ob simplicitatem, aut ignorantiam inculpabilem, ignorando nempe jus speciale, talibus suspensionem imponens; non incurrit suspensionem propriè dictam, neq; irregularitatem, etiamsi in dictis Ordinibus ministrer; ut: si quis testimonio suorum Parentum innixus, fide bona, nondum habens legitimam ætatem, ordinatus fuerit, ac proinde: post acquisitam legitimam ætatem exercere potest Ordines susceptos non petita dispensatione, vel absolutione, [x] quia talis non fuit propriè suspensus, nam suspensio non incurritur, nisi ob culpam gravem, quæ non invenitur in sic ordinato; ac Jure no-

vo

(w) *Layman lib. 5. Theol. Moral. tract. 9. cap. 10. nro 3.* (x) *Barbos. alleg. 16. nro 17. & seq. ac in d. c. Vel non est. nro 8.*

vo punitur temeritas, & præsumptio, quæ non potest consistere cum ignorantia inculpabili, & bona fide. (y)

Casus.

VIII. Adrianus duodecim annorum puer ordinatus fuit in Presbyterum, quia tamen eum Ordinem susceperat antequam præscriptam à jure ætatem, (prout præmatura ejusmodi Ordinatio veteri usu & disciplina invaluit apud Cophtos, (z)) hinc postea advenientibus majoribus suæ ætatis annis prætendebat se invalidè ordinatum fuisse, ac cum ad legitimam ætatem pervenerit, ad servandam continentiam majoribus Ordinibus junctam non teneri.

Resolutio.

IX. Dubium hoc controversum est. Negativa Doctorum pars, docens
ejus

(y) gl. hic verb. Injuriam. (z) P. Th. à Jesu. De conversione Gentium. lib. 7. pag. 361. Carolus Franciscus à Breno in Manual. Mission. Oriental. tom. 1. lib. 3. cap. 2. nro 5. P. Berna Mission. in Literis datis Annò 1706. ad P. Solerium Bollandistam.

eiusmodi puerum incapacem esse Ordinis suscipiendi, adeoq; advenientibus legitimæ ætatis annis posse statum mutare; eam suæ sententiæ rationem affert; quia non decet, ut alicui Sacramentum conferatur, nisi ipse, vel alius nomine ipsius acceptet; puer verò duodecim annorum necdum re-ctum rationis usum habendo, per se acceptare sacrum Ordinem non potest; alium quoq; non decet nomine ejus acceptare, cùm hoc Sacramentum non sit necessitatis, sed voluntatis, & suscipientem gravibus obligationibus arctet. (a) Addunt: quòd nimis ridiculum videretur, ejusmodi puerum credere esse presbyterum. (b)

X. Sed pars affirmativa, ut communior, ita autoritate & ratione firmior est; quia eò ipsò, quòd Ordinandus non resistat Ordinationi positivè, aut interpretativè, capax est recipiendæ potestatis, quæ per Ordinationem conceditur; sicut capax est effectus Baptismi, Confirmationis, & SS. Eucharistiæ. Quippe: materia & forma

(a) *Durandus in 4tum. dist. 25. qu. 1. nro 8.* (b) *Sotus lect. 5. De Ordin.*

forma horum Sacramentorum non dependet ex suscipientium actibus, sicut dependent Sacramenta Poenitentiae & Matrimonii; neq; ad horum validam susceptionem opus est Parentum consensu, vel eorum, quorum curæ Ordinandus est demandatus, quia satis est Ecclesiae consensus, vel potius Christi Domini voluntas, qui ita Sacramentum Ordinis instituit, ut cuicumq; non repugnanti applicaretur; effectum haberet. (c)

XI. Roboratur hæc sententia contrariorum rationum solutione; nam: licet sit indecentia, ut Ordo conferatur infanti, ac licet si ipse Heraclitus rideret, si puerum videret Sacerdotem, inde tamen non sequitur incapacitas.

XII. Porro: pro varietate suppositionum, quæ fieri possunt, decidendum est præsens dubium. Aut enim puer ille ordinatus erat cum usu rationis, aut sine usu. Si cum usu rationis, jam consensit ordinationi, sed

(c) S. Th. Aqu. in supplem. qu. 39. art. 2. Bened. XIV. in Bulla, quæ incipit = *Eo quavis* = §. 25. Romæ die 4. Maji. 1745. edita.

sed quia ante decimum quartum
ætatis annum completum nemo potest
votum solemne castitatis dirimens ma-
trimonium emittere, (d) sequitur,
quod nisi decimo quarto annò ætatis
completò, tacitè, nimirum privilegiis
Ordinis fruendo, vel expressè consen-
tiat in Ordinem, non obligatur ad con-
tinentiam, & potest Matrimonium con-
trahere. Si verò ante usum rationis
fuit ordinatus, & usq; ad decimum
quartum ætatis annum non consensit
ordinationi suæ, nec illam tacitè rati-
ficavit, non tenetur ad continentiam;
multò minùs ad eandem tenetur, si fa-
ctus doli capax contradixit, & in deci-
mo quarto ætatis anno repugnavit. (e)

XIII. Majus dubium insurgit, an
infans possit valdè consecrari in Epi-
scopum? in quo minùs conveniunt
Authores, quorum nonnulli affirmant,
ex eo; quòd nulla sit specialis ratio
in Episcopatùs collatione, quæ in
collatione aliorum Ordinum non pro-
cedat, nam sicut potestas ad conse-
crandum

(d) Fagnan. lib. 5. Decretal. tit. De Cleric.
per saltum promot. (e) Gobat. De Sacram. Ordin;
tract. 8. nro 762. Escobar, Koning. Bonc cina h.t.

crandum Corpus Christi Domini, absolvendumq; à peccatis puero ante usum rationis communicari potest, sic poterit communicari potestas ordinandi, confirmandi, ac alia munia Episcopalia obeundi. (f) Negant probabilius alii, tum: quia jurisdictio & potestas nemini communicari potest, nisi ipse, cui committitur, consentiat; in Consecratione verò Episcopi conceditur Episcopo potestas & jurisdictio in Diocesim, hinc ejus consensus requiritur, quem infans usu rationis carens præbere non potest, (g) tum: quia per Consecrationem Episcopus contrahit spirituale Matrimonium cum ea Ecclesia, in cujus Pastorem ordinatur, matrimonium autem postulat consensum contrahentis, qui in infante usum rationis non habente esse non potest. (h)

§ II.

Qualitas Ordinandorum quò ad scientiam.

I. Alia scientia hic requiritur ju-
re

(f) Dominic. Sotus in 4tum. dist. 23. qu. 1. art. 2. conclus. 2. Filliucius tract. 9. cap. 4. qu. 2. nro 76. Vasquez. Palaus. Dicastillo h. t. (g) c. A nobis. De desponsat. impuber. (h) S. Th. in 4tum. dist. 25. qu. 1. art. 1. S. Bonav. art. 2. qu. 2.

re naturali, alia Jure Ecclesiastico. Jure enim naturali requiritur omnis illa & sola, quæ necessaria est obeundis officiis annexis Ordini, quem quis vult suscipere, nam & generatim: singuli tenentur ea scire, quæ ad eorum statum, vel officium spectant, & speciatim: sicut namq; jure naturæ judiciaria potestas hoc exigit, ut quod quis debet judicare, discernat, ita in omnibus Clericis ignorantibus ea, ad quæ obeunda accipiunt characterem, imperitia adnumeratur culpæ. [i]

II. Jure verò Ecclesiastico prohibentur ordinari illiterati, (k) nam: si propter scientiæ defectum repellitur quis à dignitate, (l) multò magis literis carens sacris non potest esse aptus officiis. Quod tamen intelligendum est de prorsus illiterato, secundum subjectam materiam, qualis est, qui nec prima grammaticæ rudimenta, adeoq; nec scribere, nec legere novit; equidem: sicut scientia est mater virtutum, ita ignorantia est mater errorum, maximeq; in Sacerdotibus Dei vitan-

(i) l. 132. ff. De R. J. (k) Can. Illiteratos, Dist. 36. (l) c. Qualiter. De elect.

vitanda est, qui docendi officium in populis susceperunt. (m)

III. Ad primam Tonsuram suscipiendam requiritur: ut Tonsurandus sciat Fidei Catholicæ rudimenta, sciatq; legere, ac scribere; (n) sufficit tamen; si lingvâ nativâ sciat scribere & legere, nec opus est, ut omninò lingvâ latinâ, cum enim Jus novum non exprimat qualitatem lingvæ, videretur intellexisse vernaculam, seu: vulgarem. (o) Ad minores Ordines promovendi saltem intelligere debent lingvâ latinam, (p) ut: v.g. sufficit pro Ostiario & Lectore, si sciat legere & scribere latinè, pro Exorcista, si sciat conjugare verba, & declinare nomina; pro Acolytho, si sciat aliquam sententiam brevem, & facilem ex lingua latina in patrium sermonem vertere. (q)

IV. In Subdiaconando & Diaconando

(m) *Can. Ignorantia. Dist. 38.* (n) *Conc. Trid. Sess. 23. De reform. cap. 4.* (o) *Azor part. 2. Instit. moral. lib. 6. cap. 6. qu. 2. Barbos. De offic. & potest. Episc. alleg. 10. nro 5.* (p) *Conc. Trid. d. Sess. 23. De Reform. cap. 11.* (q) *Gobat loc. cit.*

nando præter linguam latinam, requiritur, ut Ordinandus instructus sit iis, quæ ad ejus officium ritè peragendum necessaria sunt. (r) Censebitur autem ritè instructus esse, si voluntatem habeat legendi Rubricas Breviarii & Missalis; ex illis enim facile discere poterit, qualiter Officium Canonicum, qualiterq; munus suscepti Ordinis debeat peragere. Quapropter etsi antè susceptum Subdiaconatum nesciat ritum & modum recitandi Horas Canonicas, non idcirco tamen ineptus est ad Ordinis susceptionem. (s)

V. Pro Presbyteratûs demùm Ordine exigitur, ut ultra supradictas Ordinandus instructus sit illâ scientiâ, per quam idoneus sit ad populum docendum ea, quæ scire omnino necessarium est ad salutem, aptusq; sit ad administranda Sacramenta. (t) Hinc ad Sacerdotium requiritur, ut bene legat contenta in Missa, ac ea intelligat, utq; habeat mediocrem scientiam, quatenus possit ritè servare ea,

B quæ

(r) Conc. Trid. ubi supra: (s) Vasquez & D. ning. & Palaus h. t. (t) Conc. Trid. c. sess. 23 De Reform. cap. 14.

quæ spectant ad Missam conficiendam; ac ut sciat defectus in Missa occurrentes, materiam & formam Consecrationis, dispositionemq; animæ & corporis. (u) In dubio autem, an ordinandus habeat sufficientem scientiam, Episcopi arbitrio determinandum relinquitur (w)

VI. Minor scientia linguæ latinæ requiritur in Religioso, quam in Sæculari Clerico, quia ratione vitæ communis, quam Religiosus profectur, eum defectum supplet tum puritate, tum prudentiâ ibidem acquisitâ, tum aliorum doctrinâ, monitis, & correctione, quæ in Sæculari Clerico non procedunt. (x) Hinc nonnulli dicunt, Religiosum aliquammodo solum latinam linguam debere intelligere. (y) Alii credunt, Religioso ad id, ut omnibûs Ordinibûs etiam Presbyteratus ordinetur, sufficere, si Sacramenta illorumq; materias & formas intelligat,

(u) Sanchez lib. 7. Consil. Moral. cap. 1. dub. 45. (w) Declaratio Conc. ap. Galemart die 31. Maji. 1597. (x) Abbas. Innocent. Geminian. h. t. (y) Palaeus De Sacram. Ordin. disp. 7. nro 4.

gat; ac rectè legere sciat, tametsi lin-
guam latinam parum calleat. (x)
Unde illud: Sufficit Monacho, si tan-
tum bonus sit, licèt sit illiteratus.
(a) Porro: quando Religiosi, qui cu-
ram animarum non habent, ordinan-
tur, non requiritur in illis alia scien-
tia, quàm: ut Mysterium Sacramenti
intelligant, si verò applicentur aliis
functionibus, concernentibus curam
animarum, ut est: concionari, audire
confessiones Fidelium &c. indigent
nova approbatione, ac proinde ii so-
lùm applicari debent, qui sunt ido-
nei. (b)

VII. Episcopus, Abbas, aut alius quispiam habens facultatem, si ille literato primam tonsuram confert, per unum annum integrum & continuum à collatione Clericalis Tonsuræ duntaxat, ipso jure est suspensus, ut in eo, in quo peccavit, puniatur. (c) Quæ tamen pena suspensionis à colla-

(z). c. ult. h. t. in 6. Henrriquez, Rodriquez.
Villabos. h. t. (a) gl. in Can. Legi. 16. qu. 1.
(b) Sotus in 4tum. dist. 25. art. ult. (c) d. c.
ult. h. t. in 6. gl. ibid. verb. Annum. & verb.
Suspendum.

collatione primæ Tonsuræ ipso jure per annum à Canone definita propter identitatem rationis, ut potè lex pænalis, non est extendenda ad eos, qui Ordines superiores conferunt illiterato, quia specialiter prohibitum fuit, ne prima Tonsura conferatur personis inhabilibus; cum ea sit velut janua ad statum Clericalem, ad quem Laici transferuntur; & ideo in hac assumptione Laicorum ad Clericatum voluit Summus Pontifex specialiter cavere, ne inhabiles admitterentur; quæ ratio non habet locum in aliis Ordinationibus, per quas illi, qui jam Clerici facti sunt, ad superiorem Ordinem in illo statu promoventur; ideoq; nec licet pœnam illius legis ad alios Ordines extendere. (d)

Casus.

VIII. Benedictus Clericus in Officiis Divinis, Ordinumq; functionibus bene versatus, sciens latinè bene legere & cantare, grammaticæ verò parum peritus, nondum orationes necere,

(d) Suarez. *dist.* 31: *De Censur.* Sect. 5. nro 3.

ctere, sensumq; eorum, quæ in Epi-
stolis, Evangelis, & Missis leguntur;
rectè intelligere didicerat, solum enim
rudimenta linguæ latinæ attigerat,
ac aliquas nominum declinationes, ver-
borum inflexiones, vocabulorumq; si-
gnificationes rudi (ut ajunt) Miner-
va affectus, voluit ad ultiores Sa-
cros Ordines promoveri, atq; super ea
re supplicavit Loci Ordinario, qui
dubitabat, an sive per dispensationem,
sive per interpretationem Concilii Tri-
dentini, votis petentis annuere po-
tuerat?

Resolutio.

IX. Votis petentis Loci Ordina-
rium annuere potuisse volunt illi Do-
ctores, qui concedunt Benedictum
ordinari posse, etiamsi in illo nul-
la spes amplius appareat proficien-
di in lingua latina, dummodò sit in
sacrorum Ordinum functionibus stre-
nuus. (e) Ratio eorum est, quia cum
tunc ordinetur de sola Missa, sufficit,
si sciat ea, quæ ad celebrandam Mis-
sam pertinent.

X.

(e) *Quintanaduenas singul. 13.*

X. Verùm: sententia hæc etsi fortè subsistere possit in aliis Regionibus, in quibus de facili reperire est multa milia Sacerdotum, latinam linguam ignorantium, ideoq; à tam multis Theologia moralis edita est vernaculo idiomate, attamen: in Provinciis Septentrionalibus, præcipuè: in Polonia, Germania & Hungaria non habet locum, ut potè nostræ Religioni probrosa, tum propter inconvenientiam, tum propter hæreticos, in medio quorum vivimus. (f)

XI. Hinc contrariæ opinionis eliditur fundamentum, nam: licèt si Benedictus de sola (ut ajunt) Missa ordinetur, ex ea tamen Ordinatione dedecus in Clero, & periculum non rectè administrandi Sacramentum sequeretur; cùm: ignarus (qualis est: linguam latinam nesciens, & per consequens in Theologia morali non sufficienter versatus) nunquam promovendus est ad Sacerdotium. (g) Imò: Episcopus Ordinans minus idoneum, debet eum suspendere, quia si in Laicis vix tolerabilis videtur inscitia, quan-

(f) Gobat. De Sacram. Ordin. tract. 8. nro 384. (g) d. Can. Illiteratos. Dist. 36.

quantò magis in his, qui prælunt, nec excusatione digna est, nec veniâ. (b) Labia itaq; Sacerdotis custodire debent scientiam, (i) & ignorantiam, ut pestem, abjicere, (k) nam: qui doctrinam repulerint, repellentur, ne Sacerdotiò fungantur [l] cùm: Sacerdoti non sufficit innocentia vitæ sine scientia. (m) Attendant itaq; Ordinandi, quòd sicut iniqui & peccatores Ministerium Sacerdotale assequi prohibentur, ita indocti & imperiti à tali officio retrahuntur; illi enim exemplis suis vitam bonorum corrumpunt, isti verò suâ ignaviâ iniquos corrigere nesciunt; nam: quomodo docere poterunt, quod ipsi non didicerunt? desinant locum docendi suscipere, qui nesciunt docere, (n) cæcus equidem si cæco ducatum præbuerit, ambo in fossam cadunt. [o]

XII. Ut itaq; Sacerdotes in Ecclesia Dei habeantur scientifici, in quolibet Diæcesi debent institui Clericorum

(h) *Can. Ignorantia: Dist. 38.* (i) *Malach. 2.* (k) *Can. Ideo. Dist. 37.* (l) *Oseæ 4.* (m) *S. Hieron. ep. ad Fabiolam, De veste nuptiali.* (n) *S. Isidor. de Summo bono lib. 3. cap. 35.* (o) *Matt. 15.*

rum Seminaria, eaq; singulari Episcoporum sollicitudine foveri, videlicet: ea sæpè invisendo, singulorum adolescentium vitam, indolem, & in studiis profectum explorando, Magistros idoneos, Virosq; Ecclesiastico spiritu præditos ad eorum culturam destinando, literarias ipsorum exercitationes, sive Ecclesiasticas functiones quandoq; præsentia suâ decorando, aliquâ demum Beneficia iis, qui virtutum suarum specimen clariùs præstiterint, majoremq; laudem retulerint, conferendo. [p]

§. III.

*Qualitas Ordinandorum quò ad vitam
& mores.*

I. Cùm sine magno Statûs Ecclesiastici dedecore tolerari non possit, quòd passim docti & indocti, probi & reprobi ad Ordines Sacros Majores, & Minores, ac sine discrimine promoveantur, multiq; jam Sacris initiati munia eorum Ordini convenientia obire

(p) Bened. XIV. in ep: encycl. de Datum Romæ ad S. Mariam Majorem. die 3. Xbris. 1740. Pontificatûs sui Annò 1. §. 2.

obire præ ignorantia non valeant, atq; per hoc Statui Ecclesiastico contemptum, & Sæcularibus grave scandalum pariant. (q) hinc: ut hæc periculosa indulgentia & negligentia præcludi possit; Minoribûs Ordinibûs initiandi non sunt, nisi ii, qui bonum vitæ testimonium à Parocho, & Magistro Scholæ, in qua educantur, habeant. Pro Majoribus verò Ordinibus requiritur, ut Ordinandus per Mensem ante Ordinationem adeat Episcopum, qui Parocho, vel alteri, cui magis expedire videbitur, committat, ut nominibûs, ac desiderio eorum, qui volunt promoveri, publicè in Ecclesia propositis, de ipsorum Ordinandorum Natalibus, ætate, moribus, & vita à fide dignis diligenter inquirat, & litteras testimoniales, ipsam inquisitionem factam continentes ad ipsum Episcopum quàmprimùm transmittat. (r) Præterea: in Diaconandis, & Subdiaconandis ultra bonum vitæ testimonium requiritur, ut in Minoribus
Ordi-

(q) Nicol, Dzierzgowski Archi-Ep. Gnesnen. in Statut. Lancicien. 1547. (r) Conc. Triz. Sess. 23. De Reform. cap. 5.

Ordinibus sunt jam probati. (s) Ordinandi verò in Presbyteros, ut piè & fideliter in Ministeriis antea actis se gerant, atq; pietate & castis moribus sint conspicui, ut præclarum bonorum operum exemplum, & vitæ merita ab eis possint expectari. (t)

II. Defectu morum prohibentur ordinari, aut ordinati ab executione Ordinis suscepti, & susceptione alioris prohibendi sunt, qui crimine adulterii, perjurii, falsi testimonii &c. sunt irretiti; modò ejusmodi crimen enorme per evidentiam facti, quæ tergiversatione aliqua elidi non possit, vel per Sententiam Judicis, vel per propriam Rei confessionem in judicio factam, notorium, aut publicum sit. (u) Secus est: si ejusmodi crimina sunt occulta, sivè: nec in judicio legitimo probata, nec aliàs notoria; tunc enim, qui his irretiti sunt, prohiberi non debent, quòminus post actam penitentiam, si velint, in susceptis Ordinibus ministrent, & ad Superiores Ordines ascen-

(s) d. Conc. Trid. l. s. c. cap. 13. (t) Idem ubi supra cap. 14. (u) c. ult. h. t. & 2l. ibid. verb. Notoria. & verb. Homicidii.

ascendant, (w) quia latentia crimina publicè vindicanda non sunt; (x) & secretorum Dominus DEUS Judex est ac Cognitor. (y)

III. Ab eo, quod dictum est, criminolum occultum non posse impediri ab exercitio Ordinis suscepti, nec minùs prohiberi, quominùs ascendere possit ad superiores Ordines, excipendum est crimen homicidii, quod etiamsi occultum sit, irregularitatem tamen inducit, in qua solus Summus Pontifex dispensare potest. (z) Ut autem hæc irregularitas, distincta ab ea, quæ incurritur ob defectum perfectæ lenitatis, contrahatur, requiritur, ut homicidium, vel mutilatio fuerit facta, cum mortali peccato injustitiæ. (a)

IV. Defectu itidem morum ab Ordinum susceptione arcentur omnes infames, (b) siue sint infames infamia juris ortâ ex delicto, cui ex juris dispositione infamia annexa est; siue infamia

(w) c. Ex tenore h. t. (x) Can. ult. 35. qu. 5. (y) Can. Erubescant. Dist. 32. Can. Consulisti. 2. qu. 5. & gl. hic verb. Occultum. (z) Conc. Trid. Sess. 24. De Reform. cap. 6. (a) Gobat. tract. De Sacram. Ordin. nro 665. (b) Can. Infames. 6. qu. 1.

infamia facti, quæ provenit vel ex publica evidentiâ criminis, vel ex communiter vulgata opinione de commisso crimine, per quod fama & existimatio hominis, spectata personæ qualitate & statu, apud viros graves & prudentes graviter læditur. (c) Imò: juxta dispositionem Juris Canonici talis infamia facti, seu: popularis propter quodvis peccatum mortale publicè perpetratum, in quo aliquis notoriè perseverat, incurritur. (d) Verum id hodie temperato antiquorum Canonum rigore non ita strictè observatur, [quavis strictissimè observari deberet,] ut qui notoriè peccavit mortaliter, ante peractam pœnitentiam ad Ordines non admitteretur. (e) Tollitur hæc facti infamia per publicam & constantem vitæ emendationem, (f) quia non debet despici in eo, quod fuit, qui jam incipit esse, quod non fuit, (g) ideoq; irregularitatem propriè & simpliciter dictam hæc infamia non inducit, quia non

(c) Layman lib. 1. Theol. moral. tract. 5. par. 5. cap. 4. nro 4. (d) Can. Alien. 2. qu. 7. (e) Layman. l. 5. c. (f) Can. Si duo. 35. qu. 6. (g) gl. in c. Testimonium. De testib.

non est perpetuum impedimentum; seu: inhabilitas suscipiendi Ordines, vel suscepros exercendi, (b) generalis autem regula habet = Impedimentum, quod absq; dispensatione tolli, seu: ipsô factô cessare potest, non est propriè irregularitas. = Infamia verò Juris, seu: illa, quæ ex Legum Civilium, vel Canoniarum dispositione certis vitiis, & officiis vilibus annexa est; uti: histrionum, qui obscæna publicè representant; aut per sententiam Judicis contracta ob crimen notorium, non tollitur per pænitentiam, sed per dispensationem Principis, cujus auctoritate decreta fuit, (i) nam talis infamia habet rationem pænæ sententialis, quæ cum à legitimo Magistratu in perpetuum sit illata, tolli nequit, nisi ab eodem Magistratu; ejusdem enim jurisdictionis est ligare & solvere, pænas imponere, & in integrum restituere.

V. Proba itaq; vita, ac innocui omninò mores debent esse eorum, qui ad Ordines Sacros promoveri anhelant; hinc rectè ac egregiè providus ille

(h) Layman ubi supra nro 10. (i) Idem l. 5. c. tract. 1. par. 5. cap. 4. nro 10.

ille universalis Ecclesiæ Pastor Bene-
dictus XIV. omnes Episcopos Colla-
tores Ordinum cohortatur hīs verbis=

„ In id mentis vestræ acies pri-
„ mū dirigenda est, ut cum accu-
„ rato delectu ii Clericali militiæ
„ adferibantur, à quibus meritò
„ possit expectari, ut iis in lege Do-
„ mini ambulantibūs, & de virtu-
„ te in virtutem euntibūs, eorum
„ vita cunctis afferat venerationem,
„ & eorum opera Ecclesiis vestris
„ spirituales afferat utilitatem.
„ Melius enim profectò est, paucio-
„ res habere ministros, sed probos,
„ sed idoneos, atq; utiles, quàm
„ plures, qui in ædificationem
„ Corporis Christi, quòd est Eccle-
„ sia, ne quidquam sint valituri.
„ Quantam idcirco Episcoporum
„ cautionem ea in re Sacri Cano-
„ nes requirant, non ignoratis, Fra-
„ tres! sed ab eorum norma, quæ
„ omninò servari debet, ne patia-
„ mini vos abduci humano ullo
„ respectu, vel importunīs ambien-
„ tium suggestionibūs, vel fauto-
„ rum precibūs. Apostoli verò præ-
ceptum,

„ ceptam, ut ne manus cuiquam „
„ nimis properè imponantur, tunc „
„ potissimum n. servari necesse est, „
„ ubi de promovendis ad Sacros „
„ Ordines, & ad Sacratissima My- „
„ steria, quibûs nihil est Diviniûs, „
„ agendum sit. Non enim sufficit „
„ ætas, quæ per sacras Ecclesiæ leges „
„ unicuiq; Ordini præscripta est, „
„ nec indiscriminatim omnibus, „
„ qui in inferiori aliquo Ordine „
„ jam sint constituti, suo quasi jure „
„ patere debet aditus ad sublimio- „
„ rem, sed studiosè, magnâq; adhi- „
„ bitâ diligentia investigandum à „
„ vobis est, an eorum, qui priora „
„ susceperint ministeria, talis fuerit „
„ vivendi ratio, & in sacris scien- „
„ tiis progressio, ut verè judicandi „
„ sint, quibus dicatur = Ascende „
„ superius = cùm alioquin expe „
„ diat in inferiori potius aliquos „
„ remanere gradu, quàm cum tuo „
„ majori periculo & aliorum scan- „
„ dalo ad altiorem provehi,, = (k)

Ca-

(k) Bened. XIV. ubi supra. §. 1.

Casus.

VI. Casimirus lapsus in hæresim, tandem ad se rediens, Deo adjuvante resipuit, ac ad unionem Sacrosanctæ Romanæ Ecclesiæ reversus est, utq; majorem occasionem pœnitendi, ac Deo serviendi haberet, voluit Statui Clericali adscribi; dubitabat tamen, an adhuc irregularitas maneret, post-quàm aliquis post ejurationem hæresis de lapsu suo egerit pœnitentiam?

Resolutio.

VII. Nimis rigidè alii firmanr, hujusmodi personas neq; recipi in Clerum, neq; ordinari posse. (1) Hunc suum rigorem ea ratione extendunt, quod reversi ad Fidem satis habeant, quod ad pacem admittantur, qui antea hostes pacis extiterunt; nec debent illi revertentes ea apud nos Ordinationis & honoris arma retinere, quibûs contra nos rebellaverunt. Oppositet enim Sacerdotes & Ministros, qui Altari & Sacrificiis deserviant,

inte-

(1) Conc. Elibertinum. cap. 51. Can. Si voluerint. l. qu. 7.

integros, atq; immaculatos esse, cū: homo, in quo fuerit macula & vitium, non debet accedere offerre dona Deo. (m) Idcirco: satis est talibus veniam dari, nec debet in Domo Fidei perfidia promoveri; nam: quid bonis, innocentibus, atq; ab Ecclesia non recedentibus reservabitur? si illi, qui ab Ecclesia recesserunt, & contra eam steterunt, honorabuntur. (n)

VIII. Mitius tamen procedunt alii, qui de tanto contra redeuntem ad Ecclesiam rigore descendentes, affirmant, illum posse in Clero remanere, & Ordinem, (dummodo ante omnia per publicam scripturam fateatur, se cum omni consensu Statuta Ecclesiæ Catholicæ observaturum;] suscipere. [o] Hinc: ex praxi videmus, quod si redeuntes, peracta pœnitentia, laudabiliter se gesserint, consuevit Ecclesia cum eis misericorditer dispensa-

C re.

(m) Levit. 21. (n) Can. Illud quoq; Dist. 50. gl. in Can. Nos consuetudinem. Dist. 12. Felin. in c. Eam te. De rescript. nro 12. Major. De irregul. l. b. 5. cap. 46. nro 1. Decian. tract. crimin. lib. 5. cap. 54. nro 17. (o) Conc. Nicenum cap. 8. rel. in Can. Convenientibus. 1. q. 7.

re. (p) Quæ misericordia ut proficiat, non unica largitione consuevit in eos effundi; sed gradatim ac adhibita maxima circumspectione; quandoq; enim tales dispensantur, ut tantum possint in susceptis Ordinibus ministrare, non autem ad Superiores ascendere; (q) quandoq; etiam talium revertentium, tantus virtutum splendor emicuit, ut ad omnes Ordines & dignitates fuerint dispensati, (r) quod tunc maximè factum est, cum id Ecclesiæ necessitas, vel utilitas exigebat. (s) Hæc tamen dispensatio requiritur pro hæreticis publicis & notoriis, idq; ob infamiam juris, quâ ratione contractæ hæresis coinquinantur; [t] non verò pro hæreticis occultis; nam: hi post penitentiam & absolutionem ab excommunicatione ordinari possunt; quia non propter hæresim, vel apostasiam, sed

- (p) Navarr. in Summ. cap. 27. nro 205. vers. 3. Sanchez De præcept. Decal. lib. 2. cap. 25. nro 2. (q) Can. Si quis hæreticæ. 1. qu. 1. (r) Can. Ipsa pietas. 23. qu. 4. (s) S. Aug. ep. 50. Corrad. Brun. De hæret. lib. 3. cap. 7. (t) c. Quicumq; De hæret. in 6.

sed propter annexam juris infamiam, irregularitas statuta est. [u]

IX. Per hanc itaq; posteriorem, sententiam prior aliquomodo rigidior mitigatur, quæ intelligi debet non, propter desperationem indulgentiæ, sed propter rigorem disciplinæ, ut majori humilitatis disciplinâ adhibitâ, redeuntis salus tutius muniatur. (w)

§ IV.

Qualitas Ordinandorum quò ad titulum.

I. Nullus Sacris Ordinibûs initiari debet absq; titulo, per quem Ordinando provisum sit de sufficiente, eaq; perpetua vitæ sustentatione, (x) quia justum est, ut qui obligantur ad serviendum Altari, seu Ecclesiæ, ex proventibus Ecclesiæ alantur. [y] Tum: ne illi, qui Divino Ministerio adscripti sunt, cum Ordinis dedecore mendicare, aut sordidum aliquem quæstum exercere cogantur; (z) tum: ut Cle-

C2

ricus

- (u) Avila. De censur. par. 7. disp. 4. dub. 2. conclus. 3. Gobat. De Sacram. Ordin. tract. 8. nro 655. (w) Can. Ut constitueretur. Dist. 50. (x) Conc. Chalced. rel. in Can. Sanctorum. Dist. 70. Conc. Trid. Sess. 21. De Reform. cap. 1. (y) 1. Cor. 9. (z) Conc. Trid. l. s. c.

ricus ex titulo obligetur certo loco, ne vagetur per mundum. (a) Qui titulus pro prima Tonsura & Minoribus Ordinibus suscipiendis non requiritur, (b) quia in his constituti retrocedere possunt. (c)

+9

II. Duplex est titulus, super quo Clericus Sæcularis Sacris Ordinibus initiari potest, nempe: titulus Beneficii Ecclesiastici, qui est propriè dictus titulus Ordinationis; & titulus patrimonii, quibus addi potest titulus Religiosæ paupertatis.

III. Ad titulum Beneficii Ecclesiastici requiritur *imò*. ut Beneficium sit certum, ac perpetuum; (d) alioquin: si contingeret Ordinatum amoveri à Beneficio, non haberet, unde viveret; & sic sequerentur prædicta incommoda, ut: quod scilicet cogeretur mendicare, vel sordidum munus exercere contra dignitatem Statûs Clericalis. Hinc: non potest quis ordinari ad Commendam,

(a) Turrecremata in d. Can. Sanctorum. Dist. 70. (b) c. Si Episcopus. De Præbend. in 6. Garz. De Benefic. par. 2. cap. 5. nro 4. (c) c. Si qui. De Cler. conjug. (d) d. c. Si Episcopus. De Præbend. in 6.

mendam, vel Vicariam temporalem, (e) neq; ad Capellaniam revocabilem, neq; ad Beneficium manuale, quia hoc semper revocari potest, & qui illud obtinet, ab eo pro arbitrio removeri potest. (f) Potest tamen Clericus ordinari ad Vicariam perpetuam, (g) & ad Coadjutoriam, si ea ex Summi Pontificis concessione irrevocabilis sit; seu: cum facultate succedendi concessa. (h) Item: potest quis ordinari ad pensionem Ecclesiasticam, si ea perpetua, ac veluti titularis sit; (i) non autem ad pensionem, quam aliquis habet super alterius Beneficio, quia hæc Pensionarii morte extinguitur, nec transferri potest in Successorem sine licentia Summi Pontificis. [k] *addo.* ad titulum Beneficii, super quo ordinatur Clericus, requiritur, ut Beneficium sit Clerico sufficiens ad honestam & decentem

(e) Abbas. in c. Constitutus. De Filiis presbyter. (f) Barbos. De offic. & potest. Episc. alleg. 19. nro 15. (g) Salzed. in pract. cap. 18. vers. 8. Gonzalez ad Reg. 8. Cancell. gl. 5. §. 3. nro 42. (h) Barbos. l. s. c. nro 23. Garzias d. cap. 5. nro 132. (i) Ugolin. De offic. Episc. cap. 26. §. 10. nro 4. (k) Conc. Trid. l. s. c.

tem sustentationem. [1] Satis tamen est, si fructus Beneficii unà cum patrimonio certo ac stabili Clerici sufficient ad alimoniam ejus, etsi Beneficium per se solum non sit sufficiens. (m) Quodnam autem Beneficium per se, vel unà cum patrimonio sufficiens censi debeat? spectatis circumstantiis Episcopi Ordinantis arbitrio relinqui debet, (n) quia determinatio eorum, quæ à Jure indeterminatè statuuntur, prudenti Viro, nempe: Judici relinquitur. (o) Quamvis verò aliqui voluerint Beneficium debere esse tantum, ut sufficiat ad honestam & decentem sustentationem pro statu & qualitate personæ ordinandæ in particulari; cùm Beneficium sufficiens ignobili, non sit sufficiens nobili, vel egregiè literato, (p) probabilius tamen est, tantum requiri Beneficium sufficiens ad honestam

- (1) Ugolin. loc. cit. §. 3. & 12. nro 2.
 (m) Sac. Congr. Card. teste Fornar. De Ordine. cap. 8. nro 10. (n) c. De causis. De offic. Deleg. l. 1. ff. De jur. delib. (o) gl. in cit. c. Si Episcopus. verb. necessaria. Sanchez in opusc. moral. tom. 2. lib. 7. cap. 1. dubit. 35.
 (p) Barbos. loc. cit. nro 9. & 10. Ledesma De Sacram. Ordin. cap. 7. conclus. 7.

tam & convenientem alimoniam Cleri-
 rici, ut Clericus est, non spectata qua-
 litate personæ, aut conditione parti-
 culari. (q) *3^{ti}o*. ad titulum requiritur,
 ut Clerico Beneficium, ad quod ordi-
 natur, actu sit collatum, imò: & paci-
 ficè ab ipso possessum, (r) adeoq; non
 litigiosum. (s) Hinc: nemo potest
 ordinari ad titulum de futuro, v. g.
 ad Beneficium, quod quis expectat,
 seu: ad quod est præsentatus, nomina-
 tus, aut postulatus. (t) Potest tamen
 quis ordinari ad titulum Beneficii,
 etiamsi illius fructus non percipiat,
 nisi post susceptum Ordinem Presby-
 teratus, (u) sicut & ad servitium per-
 petuum alicujus Ecclesiæ, vel Altaris,
 ad quod cum consensu Episcopi, vel
 alterius Prælati est deputatus, ita; ut
 inde ali debeat, donec aliam sufficien-
 tem sustentationem consequatur. (w)
 Potest etiam quis ordinari ad men-

fam

(q) *Conc. Trid. l. s. c.* (r) *Barbos. loc. cit.*
nro 15. & 16. (s) *Ledesma l. s. c. cap. 8.*
post conclus. 8. Garzias d. cap. 5. nro 150.
 (t) *Sacr. Congr. Conc. ap. Garziam. loc. cit.*
 (u) *Conc. Trid. Sess. 23. De Reform. cap. 16.*
Zerola in prax. Episc. verb. Dimissoria. (w)
Gallermant in Declar. sup. loc. cit. Conc. Trid.

sam Seminarii, ubi remanere debet, donec aliàs ei provisum fuerit de congrua sustentatione; sed hic mensæ titulus improprie talis esse dicitur. (x) Præterea: ille, qui nec Beneficium, nec Patrimonium habet, stante penuria, Sacerdorum potest ad Sacros Ordines promoveri, dummodo adsit, qui ei spondeat se necessaria administraturum. (y)

IV. Alter Ordinationis titulus est titulus Patrimonii, ad quem Ordinationes originem suam repetunt, à Concilio Lateranensi III. quod A.D. 1179. sub Alexandro III. celebratum fuit. (z) Disputatum quidem fuit in Concilio Tridentino, & acriter controversum, abolendusne an retinendus esset usus ordinandi Clericos ad titulum Patrimonii? cum aliquò jam tunc animò Patres ibidem congregati prospicere se dicerent, si hujusmodi consuetu.

(x) *Id. l. s. c. Grilenzonius cons. 14. (y) Thomassinus De vet. & nov. Eccl. discipl. par. 2. lib. 1. cap. 9. nro 2. (z) Conc. Trid. Sess. 21. De Reform. cap. 2. & latius narratur à Card. Pallavicini in Hist. ejusd. Conc. lib. 17. cap. 9.*

svetudo retineretur, apertum aditum
relictum iri, ut Ordinationum nume-
rus in immensum fortan excreceret.
Sed aliis prudenter considerantibus,
quod si unicus Beneficii titulus ad Or-
dinationem reliquus foret, cum plures
essent Diæceses, Ecclesiasticis Beneficiis
parum feraces, aliæq; ipsis penè desti-
tutæ, futurum facile esset, ut Diæce-
sani sufficientem Ministrorum nume-
rum spiritualibus eorum usibus non
haberent; in hoc demum consilium,
a Patribus prudenter deventum fuit,
ut titulum Patrimonii nequaquam
excluderent, sed admittendum statuer-
rent pro iis duntaxat, quos Episcopus
judicaverit assumendos, pro necessitate
vel commoditate Ecclesiarum suarum,
(a) quæ necessitas vel saltem commo-
ditas ordinariè adest præsertim in Vi-
ris doctis, & vitæ probatæ. (b) Hu-
jus itaq; Decreti verbis, simulq; in-
tentioni Concilii Tridentini inhæren-
do, dicendum est, hodierno etiam tem-
pore verum Ordinationis titulum eum
esse, quem Ecclesiastica Beneficia suppedi-
tant,

(a) *Navarr. cons. 14. h. t.* (b) *Fagnan.
in c. Episcopus. nro 24. De præbend.*

tant, nec nisi per viam dispensationis Patrimonium pro titulo Ordinationis admitti. (c) Quæ cum ita sint: sapiens certè Executor mentis prædicti Concilii dicendus erit ille Episcopus, qui diligenter perpendens, quot sint, per suam Diæcesim Beneficia, de quibus ipse disponere valeat, & quo Sacrorum Ministrorum numero Diæcesis ipsa indigeat, ut in Parochialibus, aliisq; Ecclesiis Divinus Cultus, & Sacramentorum administratio rectè gerantur, ut Monialibus Confessarii, Hospitalibus, & Locis Piis Rectores, Curatoresve non desint, hinc regulam, atq; mensuram capiat, juxta quam ad supplendum Beneficiorum defectum Ordinationes ad titulum Patrimonii admittat & peragat. Ita enim intelligenda est necessitas illa, aut commoditas Ecclesiarum, quam Tridentina Synodus præ oculis haberi jubet. Ad quam tamen rectè præterea referri poterunt occurrentes identidem casus piorum quorundam Virorum, quos generis nobilitas, aut sacrarum
disci-

(c) *Bened. XIV. De Synodo Diæcesana lib. II. cap. 2.*

disciplinarum scientia commendat, quiq; Ecclesiastici Beneficii obtinendi copiam non habentes, in Clerum se admitti, & ad Sacros Ordines promoveri postulant ad titulum Patrimonii; siquidem: negari non potest per huiusmodi Viros non parùm splendoris & utilitatis in Ecclesiam redundare. (d)

V. Nomine Patrimonii hic intelliguntur Bona propria Clerici, sive illa à Patre profecta sint, sive ex propria industria, vel ex donatione alterius, ⁷⁶ vel ex alio quovis legitimo titulo acquisita, (e) dummodo juxta Episcopi Ordinantis arbitrium sufficiant ad honestam Clerici Ordinandi sustentationem; ad id enim requiritur titulus, ut habeatur honesta sustentatio, unde. cunq; illa haberi potest. (f) Ad titulum verò Patrimonii requiritur *1mo* ut hæc Bona Patrimonialia, ad quæ Clericus ordinatur, sint certa, quia si sint incerta, sciri non potest, an sit sufficientia ad alimoniam Clerici? (g)

2do

(d) Congr. Conc. die 10. Apr. 1598. (e) Barbos. l. s. c. nro 52. (f) Congr. die 6. Febr. 1597. (g) Azor. Instit. Moral. par. 2. lib. 3. cap. 4. qu. 7.

Potest Patrimonium constitui in Censibus, ut declaravit S. C. in Nullius 21. Junii 1629.

adò ut sint immobilia, quia res mobiles facile extinguuntur, & consumuntur usu & lapsu temporis. (h) 3^{to} ut sint libera & alteri non obligata, pro censu, ære alieno, vel dote &c. quia aliàs fieri posset, ut à creditoribus auferantur. (i) 4^{to}, ut sint frugifera, idest: ut annum redditum Clerico Ordinato adferant, quia idem est: rem non habere, & habere, sed inutilem. Nisi res infrugifera alienari possit, & ex pretio frugiferum aliquid comparari. Hinc: non potest quis ordinari ad Bona Patrimonii, in quibus ille, directum tantum Dominium habet, alter verò utile; quia: cum inde nullos fructus percipiat, pauper erit. (k) Debet igitur Episcopus accuratam inquisitionem instituere super realitate, & subsistentia Patrimonii, ad cujus ritulum singuli quique ordinari se postulant; innumeræ enim sunt fraudes, quæ in professionibus, & assignationibus hujusmodi patrimonialium censuum, atque reddituum committi possunt. (l)

VI.

(h) *Ugolin. loc. cit. cap. 62. §. 10. nro 2. & §. 12. nro 3.* (i) *Barbos. l. s. c. nro 38.* (k) *Bened. XIV. ubi supra.* (l) *Conc. Trid. loc. cit. Flamin. De resign. lib. 5. qu. 6. nro 174.*

VI. Sicut Ordinatus ad Beneficium non potest illud resignare, nisi facta mentione, quod ad illius titulum, promotus sit, & nisi constet, quod aliunde commodè vivere possit; alioquin: resignatio erit nulla; (m) ita Bona Patrimonii, ad quæ aliquis Ordinatus est, deinceps sine licentia Episcopi alienari, extingvi, aut remitti nullatenus possunt, nisi priùs ipsi Clerico per Beneficium Ecclesiasticum, vel aliunde sit sufficienter provisum (n) & consequenter: ejusmodi Bona patrimonialia nec vendi, nec permutari, nec sub hypotheca obligari possunt, (o) quia: nomen alienationis generale est, & omnem alienationem quacunq; ratione factam complectitur, (p) unde: alienatio Patrimonii subsequens Ordinationem perinde ipso jure irrita est, sicut renunciatio Beneficii, ad quod aliquis ordinatus est. (q)

VII. Non habens Beneficium, aut Patrimonium, non potest promoveri
ad

(m) *Conc. Trid. loc. cit.* (n) *Sacr. Congr. Conc. die 6. Martii. 1638. & die 14. Febr. 1652.* (o) *c. Nulli, De reb. Eccles. non alien.* (p) *Bärbos. loc. cit. nro 78.* (q) *Congr. Conc. Mense 8bri. 1589. & die 23. Maii. 1609.*

†d

†

ad Sacros Ordines, etiam si ex iis, quæ propriâ industriâ, aut honesto officio lucrari potest, v. g. quod sit pictor, musicus, Magister grammatices, aut aliam licitam professionem exerceat, sufficienter & honestè se alere possit; neq; etiam ad titulum Litteraturæ, v. g. Doctoratûs in Theologia, vel Jure Canonico, quamvis sit insigniter doctus, aliquis ordinari potest, (r) quia: in Viro etiam eruditissimo subesse potest periculum inopiæ ob varios casus, ut v. g. infirmitatis, ob quam inutilis fiat, & egeat. (s) Neq; Filius ordinari potest ad titulum hereditatis, vel Patrimonii, Patre vivente; nam: etsi aliàs pauper censendus non est, qui divitem Patrem habet; cum: filius sit hæres necessarius Patris sui, & ab ipso, si eget, ali debeat, (t) lex tamen actu Beneficium, vel Patrimonium requirit, & non in spe tantum, sive fictione juris. Hinc: in tali casu

Pater,

(r) Barbos. l. s. c. alleg. 19. nro 172. Bened. XIV. protunc Archi-Episc. Bonon. in sua Instructione edita die 1. Febr. 1734. nro 7.
(s) Paris. lib. 2. De resign. Benefic. (t) Molina De Jur. & Just. disp. 238.

Pater, sicut alius extraneus, filio ordinando certam rem frugiferam designare, eamq; re ipsa donare, aut tradere debet, quæ sit instar Patrimonii, nec alienari possit. (u)

VIII. Ultimus titulus solis Religiosis proprius, est titulus Religiosæ paupertatis, sive Professionis in Religione approbata emissæ; nam: Religiosi solemniter ac validè professi absq; alio titulo promoveri ad Sacros Ordines possunt; (w) quia in illis Professio titulum Beneficii subit, ex quo: Religio teneatur alere suum Religiosum. (x) Religiosi verò non professi sine titulo non sunt promovendi ad Sacros Ordines, quod ipsam intelligendum est de Religiosis invalidè professis. (y)

IX. Episcopus, qui Clerico non habenti titulum Beneficii, aut alterius necessariæ sustentationis, Ordinem Sacrum confert, debet ei opportuna alimen-

(u) *Can. Neminem. Dist. 70.* (w) *Zerola in prax. Episc. verb. Dimissoriæ.* (x) *S. Pius V. in Constit. quæ incipit = Romanus Pontifex. = prid. id. 8bris. 1568. edita.* (y) *c. Cum secundum. De præbend.*

menta providere, consideratis facultatibus Ecclesiæ, & dignitate Clerici, donec taliter Ordinatus aliquod Beneficium Ecclesiasticum consequatur. (z) Sub his autem alimentis comprehenduntur cibaria, vestes, habitatio, medicina. [a] Idq; extenditur imò, ut hæc alendi obligatio transeat etiam ad Episcopum Ordinantis Successorem, (b) quia est onus reale, quò gravatur ipsa mensa Episcopalis, ideoq; ad Successorem transit. (c) 2dò ut Episcopus Ordinans teneatur Ordinato, etiam habenti titulum, sed non sufficientem, supplere id, quod ei deest. (d) 3tiò ut si ordinavit aliquem, qui priùs jam in Sacris fuit constitutus, teneatur illi providere de alimentis, cùm tali Ordines reliqui non debebant conferri. (e) 4tò ut si Episcopus Beneficii resignationem, ad cuius titulum aliquis ordinatus est, admittat, debeat eum post admissionem resignationem alere, si sufficientem sustentationem aliunde non habeat. (f)

X.

(z) Abb. in d. c. Cùm secundum. nro 9.
 (a) d. c. Cùm secundum. (b) gl. ibid. verb. Successores. (c) Ugolin. Barbos. loc. cit. (d) *Id.* ibid. (e) Paris. lib. 2. De resign. Benefic. q^u. 6. nro 4. (f) c. Cognoscentes. De Conflit.

X. Dantur tamen nonnulli casus, in quibus hæc alendi obligatio cessat. Et sic: *imò*. si Episcopus non fuit in culpa ordinando sine titulo, v. g. quia Clericus per fraudem, fingendo titulum, Ordinationem impetravit sine culpa Episcopi, nam res, quæ culpâ caret, in damnum vocari non debet. (g) *addo*. si quis Clericum præsentavit Episcopo ordinandum, tunc Patronus, seu is, qui præsentavit, interim Clericum alere debet, si hic ex servitio, aut Beneficio Ecclesiastico sustentationem non habet. (h) *3tio*. Si Archidiaconus, qui ratione officii sui Ordinandos examinare, & admittere debet, per inadvertentiam aliquem sine titulo ad Ordines admittat, & Episcopo præsentet; tunc obligatio alimentandi præstandi primò locò incumbit Archidiacono, & in defectu illius tenetur Episcopus. (i) Quòd si quis non ex officio, sed ex speciali mandato Episcopi Ordinandum examinet, quamvis Episcopus aliter Examinantem pu-

D

nire

(g) d. c. Cognoscentes. De Constit. (h) c. Pertuas. De simonia &c. (i) gl. in c. Ad hæc. De offic. Archidiac. verb. Examinentur.

nire possit, si quempiam sine titulo ad Ordines admittat; tamen non Examina-
nans, sed Mandans tenetur providere
Examinato. (k) 4^{to}. si Ordinatus sine
titulo, aliunde de sua, vel paterna
hæreditate subsidium vitæ habere possit,
tunc etiam Episcopus ad præstanda ei
alimenta non tenebitur. (l) Idemq;
probabiliter dici potest, si quis honestis
laboribus victum sibi comparare posset,
v. g. agendo Capellanum, vel quid
aliud Statui non inconueniens facien-
do, nam: & Pater ad præstanda ali-
menta filio, & vice versa: filius Patri
tenetur, nisi suis laboribus vivere
possint. (m)

XI. Si quis Ordinatus est sine ti-
tulo, sed absq; propria culpa, quia
nempe nullum habens, vel saltem non
sufficientem titulum, sincerè Episcopo
proposuit, vel Episcopus sciens, aut
scire debens, illum absq; titulo ad Sa-
crum Ordinem promovit, tunc Ordi-
natus nullam pœnam incurrit, sed Epi-
scopus Ordinans: quia in culpa fuit,
&

(k) Innoc. in c. Cùm sit. De ætat. & qua-
lit. & ordin. præficiend. (l) c. Episcopus.
De præbend. (m) Can. Si quis. Dist. 30.

& eum alere debet, aut ei providere de Beneficio. (n) Si verò ipse Ordinatus in culpa est, v. g. ineundo pactum cum Ordinate, vel cum Præsente, non petendi sustentationem, aut Beneficium, aut aliquid aliud, unde ali possit, tunc incurrit suspensionem ab executione Ordinis suscepti, quia hic videtur suscipere Sacros Ordines sine titulo. (o)

Casus.

XII. Dyonisius Clericus nullo prævio pacto cum Ordinate, vel Præsente Ordines sine titulo suscepit, sed solummodò Episcopum decepit, titulum Beneficii, aut Patrimonii finxit, mentiendo, aut falsò probando habere quod non habet, vel plus habere, quàm re ipsa habeat, cùm tamen id, quod habet, ad sustentationem illius non sufficiat; aut si fictam donationem ab aliquo accipiat. Horum itaq; unò injustò modò deceptus Episcopus ordinavit Dyonisium, at tandem Ordina-

D₂

rus

(n) Conc. Trid. Sess. 21. cap. 2. De Reform.

(o) c. penult. De Simonia &c. gl. in d. c. Per tuas. De Simonia &c. verb. Intellexerit. Alterius. De censur. tom. 2. disp. 10. cap. 3. versu. potest.

tus scrupulis angitur, an ea ex ratione suspensionem non incurrerit?

Resolutio.

XIII. Excusabilem esse Dyonisium à pena suspensionis, quoties nullum iniiit pactum cum Ordinate, vel Præsentante petendi quidpiam, dicunt nonnulli; huiusq; sui sensus has dant rationes: tum quia nullo jure probari potest ejusmodi suspensio; jus enim antiquum (p) hunc rigorem extendens dicunt esse sublatum per jus posterius; (q) tum quia quàmplures Sacræ Concilii Congregationis Decisiones pro hac parte adducuntur. (r)

XIV. Verùm: oppositum placet, adeoq; sic Ordinatus suspensionem incurrisse censendus est. (s) Doctores huic

(p) *Can. Neminem. & Can. Sanctorum. Dist. 70.* (q) *c. Cùm secundum. De præbend. (r) Gonzalez ad Regul. 8. Cancell. gl. 6. §. 10. nro 22. Guttierrez lib. 2. pract. qu. 65. nro 1. vers. Nec opinio. Henriquez in Summa lib. 13. qu. 37. nro 2. Fornarius De Ordine cap. 8. nro 8. & alii ap. Garziam De Benefic. par. 2. cap. 5. nro 21. & sequ. (s) Bernardus Diaz in pract. cap. 18. in princ. Suarez De censur. disp. 1. Sect. 1. nro 31. & sequ. Majol. lib. 4. De irregul. cap. 15. Grassius. Decis. lib. 2. cap. 97. nro 56. & alii ap. Garzia. l. s. c. nro 24.*

huic Sententiæ adhærentes fundantur in ea ratione, quia hic dicitur Sacros Ordines suscipere sinè titulo; & jura absolutè suspendunt suscipientem Sacros Ordines sinè titulo. (t)

XV. Contrariæ rationes nihil evincunt; nam imò hæc suspensio est expressè imposita contra promotum—ad Sacros Ordines cum titulo ficto, fallo, aut fiduciario (u) 2dò. quia antiqui Canones per posteriores non revocantur respectu eorum, qui dolosè promoventur fictò titulò, sed solum—per dictos posteriores Canones decernitur, ut Ordinatus non afficiatur suspensione, si absq; fraude & malitia—fateatur se titulum non habere, sicq; permittat se ordinari; Ordinans verò, si in tali casu Ordines illi sponte conferat, teneatur ad alendum Ordinatam, donec illi de Beneficio provideat. (w) 3tio quia Declarationes Sacræ Congregationis—

(t) *Sacra Card. Congr. teste Fornar. ubi supra. Steph. nus Quaranta verb. Ordo. versic. An verò.* (u) *Bulla Urbani VIII. quæ incipit = Secretis æternæ Providentiæ = die 11. Iobris. 1624. edita.* (w) *Navarr. cons. 14. § 46. h. t. ac in Manual. cap. 27. nro 158. Alterius tom. 2. disp. 10. cap. 3. col. 3.*

gationis non faciunt jus, & non semper omnibus casibus accomodari possunt. (x)

§ V.

Qualitas Ordinandorum quò ad proprium Episcopum.

I. Triplex est Episcopus proprius, à quo licitè possunt Ordines suscipi. (y) *imus* est Episcopus originis, ille nempe, in cujus Diœcesi Ordinandi Parentes habuerunt constitutum domicilium habitationis tempore, quò natus est; quia: si in aliqua Diœcesi natus est, in qua Parentes ejus ex accidenti morabantur, v. g. occasione itineris, officii, legationis, mercaturæ, vel cujusvis alterius temporalis moræ, seu permanentiæ; nullatenus ejusmodi fortuita nativitas, sed vera tantum & naturalis patris origo erit attendenda. (z) In illegitimis, si ad Ordines legitimentur, attenditur domicilium matris; in expositis locus nativitatis, vel

(x) Bonacin. tom. I. De Sacram. Ordin. diff. 8. qu. un. punct. 5. nro 21. (y) c. Nullus. h. t. in 6. (z) Innoc. XII. in Bulla, quæ incipit = *Speculatores Domus Israel* = Prid. Non. 9bris. 1694. edita.

vel expositionis; (a) in conversis ad Fidem à paganismo, vel judaismo locus Baptismi. (b) 2^{us} Episcopus est domicilii, ille videlicet, in cujus Diœcesi Ordinandus habitat, animò perpetuò ibidem manendi. [c] Domicilium verò ad effectum suscipiendi Ordines non contrahitur, nisi quis vel per decennium saltem in aliquo loco habitaverit, vel majorem rerum ac bonorum suorum partem cum instructis ædibus in hujusmodi locum transtulerit, ibiq; per considerabile tempus commorando, animum suum perpetuò ibidem manendi, satis superq; demonstraverit, & nihilominus in utroq; casu juret se verè & realiter hujusmodi animum habere. (d) Hoc domicilium censentur habere Regulares in Monasterio, in quo, ut membra degunt, quamvis non habeant animum ibidem manendi, unde ab Episcopo illius loci ordinandi sunt. (e)

3^{tius}

(a) Barbo. De offic. & potest. Episc. par. 2. alleg. 4. nro 15. & sequ. (b) Schmier. lib. 1. tract. 4. cap. 3. Sect. 2. §. 1. (c) Innoc. XII. loc. cit. §. 11. (d) Diana tom. 2. tract. 5. resol. 43. & sequ. (e) arg. c. Cum nullus. h. t. in 6.

3^{tius} Episcopus est Beneficii, in cujus
Diœcesi Ordinandus obtinet Benefi-
cium, siue pingue, siue tenue, siue exi-
gat residentiam, siue non. (f)

AVB
II. A quolibet horum Episcoporum
quicumq; ordinari potest, præter-
quam in sequentibus casibus. 1^{mo}. Cle-
ricus certæ Ecclesiæ adscriptus, eandem
inconsulto Episcopô deleterens, à Sa-
cerorum Ordinum exercitio est prohi-
bendus, per consequens: nec ab alio
Episcopo ulterius promoveri debet. (g)
2^{do} ob reverentiam Summi Pontificis,
ab Eodem ordinatus, sine Ejus licentia
ab alio ad altiores Ordines promoven-
dus non est. (h) 3^{tiò}. Græci à Lati-
nis ritu Latinorum, aut Latini à Græ-
cis ritu Græcorum non sunt ordinan-
di, ne rituum commixtiones fiant.
(i) 4^{tò}. Nullus Episcopus Italiæ debet
aliquem ultramontanum, (ideest: extra
Italiam oriundum:] ordinare, nisi ha-
beat vel à Summo Pontifice specialem
super eo licentiam, vel ab Episcopo,
de

(f) Innoc. XII. loc. cit. §. 8. (g) Conc.
Trid. Sess. 23. De Reform. cap. 16. (h) arg.
c. Cum in distribuendis. h. t. (i) c. Cum se-
cundum. h. t.

Casus. Archiepiscopus Leopoliensis renuntiavit
Archiepiscopatu, post illam renuntiationem
quosdam Clericos ordinavit. Cuiusmodi illius
quesivit, Utrum illi in ordinibus ipsis debeant
remanere?

¶ Papa cum dist. utrum renuntiavit loco th.?
an loco simul et dignitat. Si locus. potest ordines
conferre, sicut et ante irritus ab Ep. aliquo. Si locus
distinguit Papa: an sacros, an Minores Ordines contem-
nit. Si Minores: in illis potest Ordinatus ministrare, hi
enim aliquid non ab Episcopis conferuntur. Si sacros:
Subdistinguit: vel scienter. Ordinatus executionem Ordinis
non habebit. vel ignoranter: cum tali Ep. potest dispensa-
re, nisi ignorantia sit crassa et supina. Cuius resolutio-
ne sequitur: Minores probe contemni non Episcopis. At
qui non habet executionem ordinis, ea dare nequit. Id est.
ignorantia crassa et supina non inducit dispensationem.

Casus. Qui faciendum de Clericis, qui ordinantur ab excommuni-
cato? ¶ Si ignoranter, potest cum talibus per suos Episcopos
dispensari.

Contra. Ergo excommunicatus confert Ordinem. ¶
Affir. iuxta can. ab Excommunicatione. g. q. 1. Item et Hæreticus
can. Ordinationes. ibid.

Contra. Nullo modo dicitur consecratio, quæ ab Excom-
municato est celebrata. can. Nos consecrationem. g. q. 1. ¶
quia non fuit servata forma Ecclesiæ. Vel. dicitur quod

quod ad executionem. Nemo enim dat, quod non habet. Vt.
Numquid potest alios excommunicare? Uideatur quod
sic, quia confert Ordines, quod est plus. Sed non.
Disparitas. Quia cum sit extra Ecclesiam, aliud ejus,
extra Ecclesiam non potest. can. Audivimus. 24. q. 1. d. Secus in
ordine, quia licet sit extra Ecclesiam, characterem ta-
men retinet.

Caput. Qui in una Diocesi est natus, in altera habet domici-
lium, in tertia Beneficium, à quo trium horum Episcopo-
rum potest Ordines et Dimissiones accipere? Et à quo
unusque.

Quod si ab uno acceperit Ordinem unum, an possit alte-
rum ab alio accipere? Et Aff.

Contra. Innocentius III. in Bulla = Speculator =
sic habet. = Initiatus Tempora vel Minoribus à proprii
Episcopo, non potest ulterius ordinari ab alio titulo Bene-
ficii, nisi prius exhibitis Litteris Testimonialibus Episco-
pi tam originis quam domicilii super datibus etate
et moribus. R. Hoc incipit de Episcopo à proprio f.

de cujus Diœcesi Ordinandus traxit,
originem, vel in cujus Diœcesi Benefi-
ciatus existit, per ejus patentes litte-
ras, causam rationabilem continentes,
cur ipsum nolit, aut nequeat ordinare;
aliter: Ordinatus est suspensus, & Or-
dinans condignâ pœnitentiâ punien-
dus. [k]

III. Non subditum potest Episco-
pus ordinare titulô triennalis familia-
ritatis. (l) Dicitur autem familiaris
Episcopi in ordine ad effectum Ordi-
nationis, qui per triennium moraliter
continuum præsens Episcopo inter-
vivit, & in ejus obsequio sive intra,
sive extra domum fuit versatus, ejus-
demq; impensis fuit sustentatus; non
autem is, qui abiens fuerit, etsi alibi
sumptibus Episcopi vixerit, quia tunc
Episcopus non potest illius mores satis
cognoscere, ob quem finem hoc trien-
nium præfixum est. (m) Non tamen
poterit hujusmodi Episcopus dispen-
sare in interstitiis temporum, ut illis
non

(k) c. Sæpe. h. t. in 6. d. Bulla Urbani
VIII. quæ incipit = Secretis. &c. (l) Conc.
Trid. Sess. 28. De Reform. cap. 9. (m) Barbo-
l. s. c. alleg. 5. nro 6. & 7.

non servatis, familiaris suus triennalis
ordinetur, quia: cum facultas ordi-
nandi aliàs non subditum ratione fa-
miliaritatis concessa, sit odiosa, &
præjudicans Ordinario Loci, ac omni-
nò diversa à potestate dispensandi in
interstitiis, non debet ad illam exten-
di. (n) Neq; etiam potest Episcopus
dispensare cum illo super illegitimis
natalibus, etiam ad Minores Ordines.
(o) Taliter Ordinans familiarem suum,
debet illi statem (idest: intra Mensem)
re ipsa Beneficium conferre, quò col-
latò & non ante, potest cum illo,
tanquam jam cum suo subdito dispen-
sare. (p)

IV. Episcopi Titulares, qui actu
Ecclesiam & Diocesim non possident,
non possunt suum familiarem non sub-
ditum, etiam post triennium ordinare,
prætextu continuæ familiaritatis, vel
commensalitatis suæ, etiamsi in loco
nullius Diocesis, vel exempto reside-
rint, & nec quidem ad Minores Or-
dines, aut primam Tonsuram promo-
vere absq; proprii Episcopi expressio
con-

(n) Pirrhing. h. t. (o) Sac. Congr. Conc.
die 25. Junii. 1590. (p) Barbos. loc. cit. nro 14.

consensu, aut Litteris dimissoriis; (q) quia talis Episcopus non habet propriam Diocesim, in qua familiaris ejus domicilium acquirere possit, neq; etiam habet Beneficia, quæ conferre possit. Ordinando. (r) Contrafaciens Titularis Episcopus ab exercitio Pontificalium per annum; ab eo verò Ordinatus ab exercitio Ordinum susceptorum ipso jure tamdiu est suspensus, quamdiu proprio Episcopo visum fuerit. [s]

V. Potest Episcopus ordinare non subditum, si hic habeat Litteras dimissorias. (t) Sunt autem Litteræ dimissoriæ, scriptum quoddam sive facultas continens expressam licentiam, ut aliquis ab alieno Episcopo Ordines suscipere possit. Vocantur Dimissoriæ, (u) quia per illas subditi ordinandi dimittuntur, idest: licentia iis datur, ut ab alio quàm à proprio Episcopo Ordine-

(q) Conc. Trid. Sess. 14. De Reform. cap. 2.

(r) Piaſcecki in prax. Episc. par. 1. cap. 1. art. 2. nro 15. (s) Conc. Trid. loc. cit. (t) Koning. h. t. nro 28. Schmalzgr. h. t. nro 43. & sequ. (u) Conc. Trid. Sess. 14. cap. 2. & Sess. 23. cap. 10. De Reform.

Ordines suscipere possint. Vocantur etiam Reverendæ, (w) quia a Reverendissimo Antistite conceduntur. (x) Aliquando etiam vocantur Commendatitiæ, seu testimoniales Litteræ, (y) quia per ipsas commendantur mores, probitas & scientia Ordinandi, aut de his, aliisq; quæ ad Ordines suscipiendos pertinent, testimonium datur. (z)

VI. Litteras Dimissorias dare potest 1^{mo} Summus Pontifex, & quidem Christianis omnibus, in toto Orbe existentibus, (a) nam Papa est Episcopus, seu Ordinarius omnium Fidelium. (b) 2^{do} Legatus Sedis Apostolicæ à latere, ex indulto ipsis concedi solito. [c] Archi-Episcopus tamen, licet si sit Legatus Natus, (qualis apud nos in Polonia est Gnesnensis) subditis Suffraganeorum suorum has dare non potest, quia nec Ordines eis conferre potest. 3^{tiò} Episcopus proprius, sive sit,

ori-

(w) Conc. Trid. Sess. 7. De Reform. cap. 10. (x) Ugolin. De offic. Episc. cap. 26. §. 20. nro 10. & 11. (y) Conc. Trid. cit. Sess. 14. De Reform. cap. 2. & 3. (z) Ugolin. l. 5. c. nro 10. (a) c. Sæpe contingit. h. t. in 6. (b) Pirrhing. h. t. (c) Garz. De Benefic. par. 5. cap. 7. qu. 59.

originis, five Beneficii, five domicilii, illas subditis suis dare potest, (d) dummodo non electus tantum, sed etiam confirmatus sit, quamvis nondum consecratus, nam: concedere licentiam, seu: Dimissorias, est actus jurisdictionis, quam consequitur Episcopus, statim ac est confirmatus; (e) has tamen concedere nequit, si fuerit excommunicatus, aut ab officio suspensus, & nominatim denuntiatus. (f) Officialis vero, seu Vicarius Generalis Episcopi Litteras Dimissorias dare nequit, quia ad hoc illius officium non se extendit, (g) præter sequentes casus. Imò si ab Episcopo speciale mandatum vel facultatem ad id acceperit. (h) 2dò. si Episcopus in remotis agat, (i) Dicitur autem Episcopus in remotis agere, si sit extra Diocesim, vel ultra duas diectas à loco residentie suæ, vel in disfito juxta arbitrium prudentis viri loco
exi-

(d) c. Cum nullus. h. t. in 6. (e) gl. in c. Transmissum. De electione. (f) Piasceki in prax. Episc. par. 1. cap. 1. art. 2. nro 9. Barbos. De offic. & potest. Episc. alleg. 7. nro 5. (g) d. c. Cum nullus. h. t. in 6. (h) gl. in d. c. Cum nullus. verb. Non extendat. (i) d. gl. in cit. c. Cum nullus.

+
173.
—

existat. Neq; etiam jure novissimo Capitulum Sede vacante, vel Administrator in Spiritualibus à Capitulo deputatus dare possunt Dimissorias, nisi illis, qui Beneficii recepti aut recipiendi occasione arctati fuerint. (k) Dicitur verò quis arctatus ratione Beneficii recepti, qui obtinet Beneficium requirens officium personale; ratione cujus de jure, consuetudine, statuto, vel fundatione tenetur habere certum Ordinem intra annum; ratione verò Beneficii recipiendi arctatus dicitur, qui primâ Tonsurâ insignitus habet. jus, seu vocatur per electionem, aut præsentationem ad Beneficium aliquod vacans, certum Ordinem, quò ille caret, actu requirens. Non dicitur autem arctatus is ratione Beneficii recipiendi, cui aliquis vult resignare Beneficium, actu requirens Ordinem, quò caret. (l) Si verò Capitulum aut Administrator Sede vacante, aliis quàm quibus supra licitum est, dando Dimissorias dispositioni juris contraverit, tunc Ecclesiastico interdicto subja-

(k) Conc. Trid. Sess. 7. De Reform. cap. 10.
(l) Garz. l. s. c. nro 98. & 99.

subjacet; & sic Ordinati, si in Minoribus Ordinibus constituti fuerint, nullò privilegiò Clericali, præsertim in criminalibus gaudent, in Majoribus verò ab executione Ordinum ad beneplacitum futuri Episcopi sunt ipso jure suspensi. (m) 4to Prælati Regulares dare possunt Dimissorias suis subditis, sed nonnisi ad proprium Episcopum, nisi habeant speciale privilegium, à quo voluerint Episcopo eosdem facere ordinari. (n) Si tamen Episcopus proprius Ordinationem non habeat, tunc expressà causa non habitæ Ordinationis ad alium Episcopum Prælati Regulares eas dare possunt. [o] Nihilominus: Superiores Regulares reprehensibiles sunt, si scientes Ordinarium Diæcesis, in qua moratur quispiam, è Religiosis sibi subditis, difficilem esse in admissione ad Sacros Ordines, eundem subditum suum ad aliquantulum tempus mittunt ad Monasterium sui Ordinis, sed alterius Diæcesis, habentis

(m) *Conc. Trid. loc. cit.* (n) *d. c. Cum nullus. h. t. in 6.* (o) *Sacr. Congr. Conc. 1596. ut refert Schmier lib. 1. tract. 4. cap. 3. sect. 2. §. 4.*

bentis Episcopum faciliorem, benignioremq; & postquam ibidem dictus subditus Religiosus susceperit Ordinem, eundem revocant ad prius Monasterium; sic, inquam, facientes Superiores Regulares incurrunt pœnas statutas à S. Pio V. contra Superiores Regulares facientes suos ordinari ab alio, quàm à proprio Episcopo; quia censentur hoc facere in fraudem, ut subducant suum Religiosum ab Ordinatione proprii Episcopi. (p) Eadem etiam pœnas incurrunt Superiores Regulares, qui Religiosum subditum suum, rejectum ab Episcopo proprio propter imperitiam, intra eadem Ordinationis tempora remittunt ad aliud Monasterium alterius Diœcesis, faciendo illum Fratrem localem ejusdem Monasterii, & curando confestim ordinari ab illo Diœcesano. (q) Sicut etiam, tametsi quis ex Sæcularibus Clericis possit ordinari ab Episcopo loci Beneficii, si tamen adeptus est

[Bene

(p) Brocardus à S. Nicolao. *Alphab. Moral.* tom. 2. verb. *Ordo.* c. 2. nro 31. (q) *Sacr. Congr. Conc. die 14. Martii. 1620. referente Riccio in Decis. Cur. Neapol. Decis. 159.*

Beneficium in fraudem, ut scilicet se subducatur ab ordinatione Episcopi originis, vel domicilii, ille est male promotor, ac si in susceptis Ordinibus ministraverit, irregularitatem contrahit; ceterum: an ipsa fraus intercesserit, ex legitimis conjecturis ad præscriptum juris est dignoscendum. (r)

VII. Literæ Dimissoriæ conceduntur vel generaliter: scilicet: ut quis ordinari possit à quolibet Episcopo, gratiam & communionem Sedis Apostolicæ habente; vel specialiter: nempe: ad hunc & non alium Episcopum. Si posteriori modo conceduntur, non potest quis ab alio ordinari, quàm à nominato in Dimissoriis Episcopo; quia unius expressio est alterius exclusio; (s) & ideo: si Episcopus in Literis Dimissoriis nominatus ob aliquod impedimentum Ordines conferre nequeat, curetq; per alium Episcopum eos in sua Diœcesi conferri; hic non poterit ordinare, nisi personas subjectas illi Episcopo, in cujus Diœcesi, & de cujus licentia fit Ordinatio. (t)

E

VIII.

(r) Ead. Congr. die 7. 8bris. 1662. (s) c. Nonne. De præsumpt. (t) Zerola in prax. Episc. par. 1. vers. Dimissoriæ ad Ordines. in resp. ad 5.

VIII. Semel legitimè ab Episcopo, vel ab alio potestatem habente concessæ Literæ Dimissoriæ, etiam re adhuc integra, non expirant morte, vel alia finita potestate Concedentis, nisi per illum ipsum, vel per illius Successorem, antequam sortitæ sint effectum, ex iusta causa revocentur; (u) quia hæ habent qualitatem & naturam gratiæ, quæ non expirat morte Concedentis. (w) Unde: neq; Dimissoriæ concessæ à Capitulo Sede vacante in casibus à jure permissis, & superiùs specificatis, post electionem novi Episcopi expirant, nisi ille eas revocaverit; gesta enim per Capitulum tenent etiam finita Capituli potestate. (x) Pro Litteris Dimissoriis, aut testimonialibus, pro sigillo, aliave causâ nihil accipi debet à Concedente, ejusq; Ministris; Notarius tamen pro singulis Dimissoriis, aut testimonialibus decimam partem unius aurei accipere potest, nisi ei sit solarium constitutum, vel consuetudo vigeat nihil accipiendi. (y)

IX.

(u) *Piaſeckî par. 1. cap. 1. art. 2. nro 13.*

(w) *c. Decet. De R. 3. in 6. (x) Piaſeckî loc. cit. Barboſ. alleg. 7. nro 24. (y) Conc. Trid. Sess. 22. De Reform. cap. 1.*

IX. In hisce Litteris Dimissoriis exprimendum est nomen Concedentis, nomen Ordinandi, numerus & qualitas Ordinum non subdito conferendorum; si enim indefinitè exprimantur Ordines, intelliguntur Minores, quia Dimissoriæ strictè sunt interpretandæ. Præterea: exprimi debet nomen Episcopi, ad quem dimittitur Ordinandus, nisi generaliter detur licentia à quocunq; Episcopo, ritè & Canonicè promoto, gratiam & communionem Sedis Apostolicæ obtinente Ordines suscipiendi. Tandem: dispensatio, si quæ sit necessaria, an detur, vel an comitatur Ordinanti; testimonium super vitæ moribus, & scientiæ identitate, nisi horum examen committatur Ordinanti; sicut fieri consuevit, si Ordinandus proprium Episcopum absentem absq; notabili incommodo accedere non possit. (z) Si tamen post concessionem Dimissoriarum tantum temporis effluerit, quod probabiliter sufficiat, potuisse mores probatos mutari, hæ Dimissoriæ non sunt recipiendæ, nisi aliunde de continuatione bono-

Et . . . rum

(z) Barbos. cit. alleg. 7. nro 29.

rum morum constare possit; alioquin:
eas recipiens, se exponeret periculo
Ordinandi indignum, & non habentem
requisitas qualitates. Hinc: quando
Superior concedit Dimissorias subdito,
qui per longum tempus fuit absens,
is quò ad mores, debet habere testimonium
ab Incolis, vel Ordinario Loci, in quo
moratus est. (a) Ejusmodi itaq; ab Episcopo
suis subditis concedendarum Dimissoriarum
potest esse hæc vel similis

FORMULA.

CAJETANUS IGNATIUS
SOLTYSKY,

DEI & Apostolicæ Sedis Gratiâ Episcopus
Cracoviensis, Dux Severiæ.

X. Dilecto Nobis in Christo N. Minorum
Ordinum Clerico; vel Majorum Ordinum
Subdiacono, aut Diacono. Ut à quocunq;
Antistite: (*sic* *Litteræ Dimissoriales generaliter dantur;
aliàs specificè nomen & cognomen illius
Episcopi, ad quem Ordinandus dimittitur,
poni debet*) Catholico, gratiam & com-

mu-

(a) cc. DD.

munionem S. Sedis habente, in propria vel aliena Diœcesi, de Ordinarii licentia Pontificalia exercente, futuris quatuor temporibus, etiam non servatis Interstitiis per Nos dispensatis, [*si in iis Ordinarius voluerit dispensare*], dummodo habilis & idoneus adinventus fuerit, (*si à proprio Episcopo non fuerit examinatus*) omniaq; requisita de Jure habuerit ad Sacrum N. Ordinem ritè & legitimè promoveri possit, Auctoritate Ordinaria licentiam & facultatem impertimur per præsentēs Manu Nostra subscriptas & sigillò communitas. Datum N. die N. Mensis N. Annò N.

XI. In iis verò Dimissoriis, seu (ut vocant) Obedientialibus quas Religiosi suis subditis dant, quasq; subditi in examine publico præsentare tenentur, præter ea, quæ in Dimissoriis ab Episcopo concedendis (exceptis nonnullis, ad potestatem Superiorum Religiosorum non se extendentibus, uti est dispensatio in Interstitiis &c.) exprimuntur, Superiores Regulares debent exprimere, an Ordinandus sit Novitius vel Professus, & in quo Conventu

ventu reperiatur de Familia assignatus. Hæ item Dimissoriæ (ut dictum iupra) debent dari ad proprium Diæcesianum, etsi Diæcesanus abfuerit, vel non esset habiturus Ordinationem, ad quæm cunq; alium Episcopum; dummodo tamen ab Episcopo, qui Ordines contulerit, Ordinandus examinetur, quò ad doctrinam & dummodò ipsi Superiores de industria non distulerint concessionem Dimissoriarum in id tempus, quò Episcopus Diæcesanus vel abfuturus, vel nullas Ordinationes habiturus esset. In his itaq; Dimissoriis ad alienum Episcopum datis, causa hujusmodi absentia Diæcesani Episcopi, & Ordinationum ab eo non habendarum exprimi debet, quodsi Superiores Regulares non fecerint; Officii & Dignitatis, seu: Administrationis, ac vocis activæ & passivæ privationis, ac aliàs arbitrio reservatas pœnas incurunt. (b) Ne itaq; hæ Dimissoriæ, seu: Obedientiales ob aliquos defectus à Locorum Ordinariis jura callentibus rejiciantur, ponuntur hæ Formulæ dandæ

(b) *Sacr. Congr. Conc. de mandato Clementis VIII. die 15. Martii. 1599.*

darum à Superioribus Religiosis sibi
subditis Dimissoriarum.

FORMULA

Pro prima Tonsura & 4. Minoribus
Ordinibus.

CASSIANUS KORCZYNSKI,
Minister Provincialis Majoris & Mi-
noris Poloniæ, Ordinis Minorum—
S. P. FRANCISCI Conventualium.
Fratrī N. Ordinis Nostri Professo.

XII. Humilitas & pietas, quas pro-
fitemur, nos cogunt, & impellunt, ut
selectos & probatos Juvenes, ad ser-
viendum DEO in Nostra Religione—
cælitus vocatos, ad Sacra Munera o-
beunda, promoveri ad Ordines cure-
mus. Cùmq; te ad habitum Religio-
nis admissum, & in Conventu N. de
Familia existentem, debita ætate, mo-
rum honestate præditum, legitimis na-
talibus ortum, sacro Chrismate deli-
bitum, nec aliquò Canonicò impedi-
mentò, (quod sciamus) innodatum,
nec non per Examinatores Nostros ido-
neum repertum & admissum noveri-
mus; tenore præsentium cum salutaris
obedientiæ merito ad Illustrissimum—

&

& Reverendissimum Dominum Episcopum tuum N. mittimus, Eumq; humiliter rogamus, ut tibi sic dimisso & licentiato, his proximis quatuor futuris temporibus Mensis N. (vel temporibus à jure statutis) Clericalem Tonsuram, Ostiariatûs, Lectoratûs, Exorcistatûs & Acolythatûs Ordines Minores pro necessitate nostrarum Ecclesiarum, omnes simul (si sibi expedire videatur) interstitiis etiam non servatis, conferre dignetur. Nos gratiam hanc &c. In quorum fidem &c. Datt. in Conventu N. die N. Annô N.

F O R M U L A

Pro Ordine Subdiaconatûs.

LAURENTIUS FLORIANUS

CHMIELECKI,

S. Th. Licentiatus, Congregationis Canonorum Regularium Lateranensium per Minorem Poloniam & M. D. L. PRÆPOSITUS GENERALIS.

XIII. Fratri N; &c. Muneris No-
stri cura exigit, ut Ecclesiis nostri Or-
dinis idoneos Ministros provideamus;
cumq; te libera voluntate in nostra
Religione Professum, & nunc de Fa-
milia

milia in Conventu N. assignatum, debita ætate viginti unius annorum, completorum, legitimis Natalibus ortum, morumq; honestate prædictum, ac in Acolythatus Ordine constitutum, in eoq; ac aliis Minoribus Ordinibus per annum probatum, & in iis, quæ ad Ordinem exercendum pertinent, probè versatum & instructum, nec non ab Examinatoribus Nostreis examinatum, & idoneum repertum ac admissum, nullòq; impedimentò Canonico (quod sciamus) innodatum novimus, tenore præsentium cum salutaris obedientiæ merito ad Ill. & Rev. D. Antistitem tuum N. mittimus, & licentiamus, Eum humiliter rogantes, ut pro sua benignitate his quatuor proximè futuris temporibus, Mensis N. Sacrum Subdiaconatus Ordinem, ad titulum Religiosæ paupertatis tibi conferre dignetur. &c.

F O R M U L A

Pro Ordine Diaconatus.

MATTHÆUS BUYDECKI,

S. Th. Doctor, Ordinis Canonici Regularium SS. Sepulchri PRÆPOSITUS GENERALIS.

XIV. Fratri N. &c. Ut debitus
DEO

DEO cultus in Nostriſ Eccleſiis per-
fideles Miniſtros piè & Religioſè exer-
ceatur, eos, qui ſeſe in ſervitio Alta-
ris, aliſq; Sacriſ functionibus lauda-
biliter exercuerunt, ad altiores Ordi-
nes promoveri ſatagimus. Tibi ergo
in Noſtra Religione libera voluntate
Profeſſo, & de Familia in Conventu
N. aſſignato, in Sacro Subdiaconatûs
Ordine legitimè conſtituto, ac in eo
per annum probè verſato, debita æta-
te, morumq; honeſtate prædito, nec
non per Examinatores Noſtros exa-
minato, idoneoq; reperto & admiſſo,
nullôq; Canonicô impedimentô (quòd
ſciamus) irretito, per præſentes cum
ſalutaris obedientiæ merito licentiam
concedimus, ut proximis futuris qua-
tuor temporibûs Menſis N. ad Ill. &
Rev. D. Antiſtitem tuum N. Sacrum
Diaconatûs Ordinem ſuſcepturus acce-
das, Eum deprecantes, ut præſatum Or-
dinem ad titulum Religioſæ paupertatis
tibi conferre dignetur &c. (*Si eſt di-
ſpenſandus ſuper Interſtitiiſ, ſcribatur* =
In Sacro Subdiaconatûs Ordine, ac æ-
tate legitima viginti duorum annorum
completorum conſtituto, ac in eo per

v. g.

v. g. sex menses probè versato &c. Eum deprecantes, ut non solum prædictum Ordinem Diaconatûs tibi conferre, sed pro nostrarum Ecclesiarum utilitate, & necessitate super Interstitiis tecum gratiosè dispensare dignetur.)

FORMULA

Pro Ordine Presbyteratûs.

FLORIANUS AMANDUS

de JANOWEK

JANOWSKI,

S. Th. Doctor Divina Vocatione Regii
Archi-Cænobii Tynecensis Ordinis S.
BENEDICTI ABBAS, Canonicus Ca-
thedralis Cracoviensis.

XV. Fratri N. &c. Cùm qui piè & fideliter in ministeriis Ecclesiæ se gesserint, ad Presbyteratûs Ordinem assumendi sint; Tibi in Nostra Religione libera voluntate Professo, & de Familia in Conventu N. assignato, in ætate legitima viginti quatuor annorum, completorum constituto, morum, honestate & religioſitate prædito, Sacro Diaconatûs Ordine insignito, & in eo per annum integrum probè versato, per Examinatores nostros examinato,

&

& ad docendum populum ea, quæ necessaria sunt ad salutem, & administranda Sacramenta idoneo comprobato, nullôq; Canonicô impedimentô (quod sciamus) irretito, tenore præsentium cum salutaris obedientiæ merito licentiam elargimur, ut proximis futuris quatuor temporibûs Mensis N. ad Ill. & Rev. D. Diæcesanum tuum N. Presbyteratûs Ordinem suscepturus accedas, Eum rogantes; ut prædictum Sacrum Presbyteratûs Ordinem ad titulum Religiosæ paupertatis tibi conferat. &c. (*Si petatur dispensatio ab Interstitiis, scribatur, ut in præcedenti formula.*)

XVI. Si verò Dimissoriæ ob absentiam, vel aliud impedimentum Episcopi Diæcesani dirigantur alteri Episcopo, tunc in iis addatur = Te ad Ill. & Rev. D. Episcopum N. (attentâ absentia à Diæcesi Ill. & Rev. D. N. Antistitis tui, de qua per præsentem indubiam fidem facimus, & attestamus) dimittimus. &c. = An autem hæc Superioris Regularis fides, seu testimonium de impedimento Diæcesani sufficiat, ut Episcopus non Diæcesanus Religioso debeat & possit conferre Ordines?

dines? relinquitur arbitrio Episcopi Ordinantis, (c) licetli decretum Clementis VIII. illam sufficere dijudicet, ac ad Superiores privative spectare videatur. [d] Tutius tamen in praxi esset, super eo Episcopi proprii impedimento habere fidem Tribunalis Diocesani. (e)

XVII. Sicut pro Clericis Sæcularibus Ordinarius quò ad concedendas Dimissionas est proprius Episcopus, ita pro Regularibus ad eundemet effectum proprius Prælatus, & Ordinarius Regularis est Abbas, Provincialis, & Generalis. (f)

XVIII. Episcopus Ordinans culpabiliter alienos subditos sine dimissionis, per annum à collatione Ordinum suspenditur. (g) Taliter verò Ordinati ab executione Ordinum suscepto.

(c) Passerin. De stat. homin. tom. 3. qu. 189. art. 10. insp. 10. nro 868. (d) Pax Jordan Lucubrat. Canonic. lib. 3. tit. 6. nro 24. vers. Ex tenore decreti. (e) Monacelli tom. 1. in append. ad decr. Clem. VIII. nro 6. (f) cit. Decr. Clem. VIII. Gobat Exper. Theolog. tract. 8. cas. II. nro 418. (g) c. Eos qui. h. t. in 6.

sceptorum, quamdiu proprio Ordinario videbitur, sunt suspensi; (h) sunt verò suspensi ab Ordinibus tantum sic susceptis. (i) Pariter: Clerici sive Sæculares, sive Regulares, ordinati cum Literis Dimissoriis falsis, suspensi sunt, quia habentur, acsi essent Ordinati absq; illis, & si Ordinem suum exercent, efficiuntur irregulares. Excusantur tamen, si ministraverint bona fide, sinè dolo, & id sibi licere putantes, nam: dispositio puniens aliquem præsumentem, non comprehendit eum, qui id bona fide, ignoranter, imprudens, seu: inadvertens facit. (k) Hanc suspensionis pœnam non incurrunt etiam ii, qui culpabiliter ignorant talem pœnam impositam esse, unde utens Dimissoriis falsis, peccabit quidem, non tamen incurret pœnam suspensionis, quandocunq; ignoret, eam impositam fuisse. (l)

Casus

(h) *Can. Illud. Dist. 71. Conc. Trid. Sess. 23. De Reform. cap. 8.* (i) *Id. Trid. Sess. 14. De Reform. cap. 2.* (k) *Card. de Luca in Clem. 1. De privileg. qu. 39.* (l) *Navarr. cons. 3. De etat. & qualitat. &c.*

Casus.

XIX. Eugenius domiciliô & patriâ Cracoviensis, studiis vacans extra suam Diœcesim, Dimissorias obtinet, vi quarum Minoribûs initiari queat, à quocunq; potestatem hos Ordines conferendi habente. Unde ab Episcopo elongatus, eisdem Ordines ab Abbate aliquo Regulari benedicto suscipit; sed horum valor subinde illi in examine ad Sacros Ordines contrahitur.

Resolutio.

XX. Nullitatem Ordinum Minorum, ab Abbate Regulari non subdito collatorum omnino controversendam esse, judicant alii. (m) Opinionis suæ fundamentum desumunt ex Concilio Tridentino, in quo statuitur, ne Abbatibus, ac aliis quibuscunq; quantumvis exemptis, liceat in posterum intra fines alicujus Diœcesis consistentibus, etiamsi nullius Diœcesis vel exempti esse dicantur, cuiquam, qui Regularis subditus sibi non sit, Tonsuram.

(m) Oliva De for. Eccles. par. 3. qu. 15. nro 50. Barbosa. par. 2. alleg. 3. nro 11.

suram, vel Minores Ordines conferre
 &c non obstantibus quibuscunq; pri-
 vilegiis, præscriptionibus, aut con-
 suetudinibus, etiam immemorabilibus.
 (n) Videtur itaq; post hoc Triden-
 tini sancitum, quòd Abbates non
 tantum non licitè, sed nec validè,
 amplius possunt conferre Minores Or-
 dines sibi non subditis; quia actus con-
 tra manifestam legis prohibitionem,
 seu: dispositionem factus non tantum
 est illicitus, sed penitus nullus, (o)
 et: quæ contra jus fiunt, debent utiq;
 pro infectis haberi. (p)

XXI. Sed mitiori sententiæ suffra-
 gantur alii, (q) tum; quia Bonifacius
 VIII. statuit, ut nullus Episcopus, vel
 quivis alius Episcopò inferior, v. g.
 Abbas præsumat conferre Clericalem
 Tonsuram homini Diæcesis alienæ absq;
 licentia sui Superioris, (r) accedente
 itaq; Ordinarii consensu Episcopus vel
 Abbas Regularis potest non modò va-
 lidè, sed etiam licitè ordinare alienos
 Dia-

(n) Conc. Trid. Sess. 23. De Reform. cap.
 10. (o) l. 5. ff. De legib. (p) c. Quæ contra.
 De R. J. in 6. (q) Fagnan. in c. Statuimus.
 De suppl. neglig. Præl. a nro 23. ad nrum 54.
 Pirrh. h. t. nro 49. (r) c. Nullus. h. t. in 6.

*Abbas n^o Benedictus an possit subditis suis conferre
 Minores Ord. Et Aff. in 3^o cap. bus. h. nro. Et hoc Privilegio
 à D. de de donatus sit. Et... si minus sit. dicitur na.*

Diæcesanos. (s) Tum: quia Privilegium in Abbatibus saltem successu temporis & consuetudine, ac communi sensu sic interpretante est concessum ad similitudinem & normam potestatis Episcopalis; sicut itaq; potestas in Episcopis ad validè ordinandum est absoluta & universalis, ita quò ad hoc similis erit potestas Abbatibus per Privilegium concessa. (t) Tum demum quia Concilium Tridentinum universalem potestatem olim Abbatibus competentem restrinxit tantum certò modò in ordine ad ejus usum, idq; per simplicem prohibitionem absq; actûs irritatione (u) quare Abbates poterunt adhuc validè etiam post Tridentinum personis non subditis conferre Ordines Minores. (w)

XXII. Isdem ex monumentis adversantium fundamento, prorsus satisfit. Concilium enim Tridentinum, quod fundamentum controversiæ est, nec non & Declarationes quædam

F

Car-

(s) Engel. De privilegijs Monast. priv. 49. in annot. ad nrum 4. (t) Streinius par. 1. tit. 16. §. 3. nro 3. (u) Sac. Congr. Conc. ap. Fagnan. in d. c. Statuimus. nro 12. 13. & 39. (w) Ferreros. De etat & qualitat. &c. qui ta nro 2.

consuetudine Itio. S. Gyms fuerit in moribus
denudicendi. Mora intelligit, si hoc petierit.
Const. Benedic. XIII. = Commissi =

Cardinalium Sacri Concilii Interpre-
tum loquuntur de Abbatibus non be-
nedictis, privilegiò Pontificis desti-
tutis, aut certò independenter à spe-
ciali commissione Ordinarii. (x)

§ VI.

*Qualitas Ordinandorum quò ad alia
requisita.*

I. Præter superius dicta requisita,
in Ordinandis ad ritè suscipiendos
Ordines, sunt etiam nonnulla alia, sinè
quibus susceptio Ordinum aut prorsus
invalida, aut solùmmodò illicita est.
Qui itaq; vult validè ordinari, debet
esse *imo* Masculus, non tam ex jure
antiquo scripto, quàm ex perpetua
traditione Ecclesiæ, quæ declarat in-
stitutionem Christi. 2^{do} debet esse ba-
ptisatus, nam: character Ordinis ne-
cessariò supponit characterem Bapti-
smi, (y) qui est janua omnium Sacra-
mentorum. [z] 3^{tiò} non debet esse
positivè invitus, sed si adultus est, de-
bet habere voluntatem, seu: intentio-
nem

(x) Const. conciliar. à S. Carolo Borom. in
Conc. Mediol. V. rel. à Tambor. tom. 2. disp.
2. qu. 7. (y) c. Veniens. De Prebs. non bap-
(z) c. Per Cathéchismum. De cognat. spirit. in 6.

nem saltem habitualement, quā aliquando voluit, vel petiit Ordinem, eamq; voluntatem postea retractavit; [a] tum: quia Sacramentum Ordinis non est necessitatis, sed voluntatis, ideoq; debet liberè postulari ab eo, qui potest postulare; & si non potest, censetur talis positivè repellere Sacramentum; tum quia Sacer Ordo habet annexum votum continentia, quod voluntarium ac liberum esse debet; juxta illud = De Virginibus præceptum Domini non habeo. = (b) Aliud est de infantibus, in quibus non requiritur intentio suscipientis, sed sufficit intentio Ecclesiæ, ut dictum est supra. (c)

II. Ut verò licitè quis ordinetur requiritur imò. ut Ordinandus prius Sacramentum Confirmationis suscipiat; sine quo validè quidem Ordo conferri potest, nam: Ordo non necessario supponit characterem Confirmationis; (d) illicitè tamen confertur. (e) 2do ut sit in statu gratiæ per confessionem.

F2

fessio.

- (a) c. Majores. De Bapt. (b) 1. Cor. 7.
(c) hic §. 1. nro 12. (d) Bonacin. tom. 1.
De Sac. Confirm. disp. 3. qu. un. pun. 4. nro 4.
(e) Conc. Trid. Sess. 24. De Reform. cap. 4.

fessionem, aut per contritionem, nisi
fortè suscipiens Ordines, simul etiam
suscepturus sit Sacram Eucharistiam,
tunc enim, si habet conscientiam pec-
cati mortalis, præmittere debet Sacra-
mentalem Confessionem. (f) 310. ut
non sit irretitus aliquâ censurâ, præ-
cipuè: excommunicatione, quia hæc
privat susceptione Sacramentorum. (g)
410. ut non sit irregularis quacunq;
irregularitate orta ex defectu, vel ex
delicto; cujusmodi irregulares sunt ii,
quos sequentes versus comprehendunt. =

Infamis, demens, vitiatus, fæmina, servus,
Infirmus, novus, ignorans, baptisate peccans,
Ordineve, occidens, mutilans, bigamusq; nethusq;
Hæresis, obstrictus, pauper, puér exulat Aris.

510 ut servet præscripta à Jure =

Interstitia, quæ dicuntur id tempus,
quod debet intercedere à susceptione
unius Ordinis ad alterius susceptionem.

(h) Porro: Ordines etiam Minores
conferendi sunt per temporum Inter-
stitia, seu: intervalla, ut scilicet Ordi-
nandi accuratiùs edoceri possint, quan-
tum

(f) Fornar. De Ordine cap. 3. ad fin. (g)
Navarr. cap. 25. nro 69. Suarez. tom. 5. disp.
31. sect. 1. nro 57. (h) Can. In singulis. Dist.
77. Conc. Trid. Sess. 23. De Reform. cap. 11.
13. & 14.

tum sit Ordinis, quem suscipiunt, pondus & dignitas; ac prius se in suscepto Ordine exercent, quam ad alium altiore ascendunt, & ita in iis, cum ætate vitæ meritum, doctrinaq; major accrescat. Verum; in Minoribus Ordinibus certa interstitia non sunt definita, sed id totum absolute iudicio Episcopi relinquitur, prout Ei magis expedire videbitur; {i} prout in nostro Regno Poloniæ passim omnes Ordines Minores cum prima Tonsura una die non servatis interstitiis conferuntur; quemadmodum & jure antiquo id practicabatur. (k)

III. Subdiaconatus simul cum Minoribus Ordinibus eidem conferri non potest, (l) idq; Ecclesiarum consuetudo confirmavit, quæ vim legis obtinet; quodsi tamen alicubi particularis consuetudo sit, ut Subdiaconatus eodem die simul cum Minoribus conferatur, ea reprobanda non est, cum illa per Concilium Tridentinum damnata, aut sublata non sit; quod revocat solùm

(i) *Sacr. Congr. Conc. die 31. Martii. 1597.*

(k) *c. Cum H. De eo, qui furt. Ordin. susc. Fagnan. in c. De eo autem. h. t. nro 26. Sylvester in Summa verb. Ordo. qu. 7. (l) d. c. Cum H. Conc. Trid. l. s. c.*

lūm privilegia contraria, non autem
derogat consuetudinibus. (m) Hinc:
qui omnes Minores Ordines suscepit
die Veneris quatuor temporum, potest
die Sabbathi immediatē sequente su-
scipere Subdiaconatum; (n) nam: cum
consuetudine potuit introduci, ut uno
die eidem conferantur omnes quatuor
Minores cum Subdiaconatu; multō
magis potuit induci, ut duobūs die-
būs aliās tamen licitē conferantur. (o)

IV. Ad duos Sacros Ordines nec
potest, nec debet quis uno eodemq;
die admitti. [p] nec Regularibus duo
Sacri Ordines eodem die conferri pos-
sunt, non obstantibūs quibūscunq;
privilegiis. (q) Imō: neq; continua-
tō jejuniō duobūs diebūs immediatē
sequentibūs licet eidem conferre duos
Ordines. (r) Nec Archi.Episcopus
potest dispensare in eo, ut duo Ordines
Majores eidem uno die conferan-
tur. (s)

V. Inter Majorum, seu: Sacrorum Ordi-

(m) Navarr. in Manual. Prælat. cap. 25:
nro 7. (n) Pirrh. h. t. (o) Fagnan. in d. c.
De eo autem. nro 41. (p) c. Dilectus. h. t. (q)
Conc. Trid. loc. cit. (r) c. Literas. h. t. (s) d.
c. Dilectus. h. t.

tra. Ergo diebus Dominicis non licet in Subdiaconu
ordinare. R. Aff. Præter Summum Pontificem.

us. An in vigilia Pentecostes sacros Ordines liceat conferre.
R. Neg. Præter Summum Pontificem. Vide c. 3. de Temp.
Ordinat.

us. Consuetudo in quibus Ecclesiis Scotia et Vallis fuit
quod in Dedicacionibus Ecclesiarum vel Altarium extra quatuor
or tempora Clerici ad sacros Ordines promovebantur. R.
Iura, quod talis consuetudo Ecclesiastica institutioni est ini
mica. Et tales in Ecclia Romana deponerentur, et Ordina
tores auctoritate ordinandi privarentur.

2. Quidam Epus contulit sacros Ordines extra quatuor tempo
ra, die quo non debuit. Quid juris? R. Debet puniri
canonica disciplina x. pro vetus potestate conferendi Ord
ines, et ordinatis interdicitur executio Ordinis, donec per
Sedem Aplicam dispensatus fuerit cum eis.

us. Aliqui sacros Ordines receperunt extra tempora. Q.
Utrum characterem receperunt? R. Aff. Quia tempus non
est de substantia Ordinis. Sic nec ætas impedit charac
terem. Paritas. de Baptismo, qui tenet licet à quo.
cunque conferatur, licet à Judæo vel Sagarum recipi
non debeat.

A
—

C
fi
r
a
M
fi
fi
n
n
t
p
v
b
n
(
u
in
ti
pl
fe
in
Q
re
fia

B
2.
m
6.
de

Ordinum susceptionem, certum inter-
stitium temporis, Sacri Canones requi-
runt. Nam Subdiaconatus nonnisi post
annum à susceptione postremi gradûs
Minorum Ordinum conferendus est;
similiter: promotus ad Subdiaconatum
si per annum saltem in eo versatus
non fuerit, altiore gradum ascendere
non est permittendus; deniq; promo-
tus ad Diaconatum, antequàm saltem
per annum integrum in eo ministrä-
verit, ad Sacerdotium admitti prohi-
betur, nisi ob Ecclesiæ utilitatem aut
necessitatem aliud Episcopo videatur.
(t) Porro: annus integer, qui inter
unius & alterius Ordinis susceptionem
intercedere debet, non est Mathema-
ticè computandus, prout scilicèt com-
plectitur duodecim Menses completos,
sed moraliter; prout continet quatuor
interstitia, à Quadragesima nempe ad
Quadragesimam, à Pentecoste ad Pen-
tecosten &c. vocaturq, annus Eccle-
siasticus. (u) VI.

(t) *Conc. Trid. d. Sess. 13. & 14. (u)*
Barbos. De offic. & potest Episc. alleg. 18. nro
2. Molfes in Summ. tom. 1. tract. 2. cap. 14.
nro 8. Fornar. De Sacram. Ordin. cap. 3. nro
6. & Sixtus V. ex Sent. Sacr. Congr. Conc. sic
declaravit.

VI. Dispensare in dictis interstitiis potest Episcopus cum propriis subditis, (w) non verò cum alienis, seu: alteri Episcopo subiectis, nisi id illi ab Ordinario Ordinandi in Literis Dimissionis expressè concessum fuerit; quia nullus melius & congruentius potest in huiusmodi interstitiis dispensare, aut saltem ea de re judicare, quàm proprius Episcopus, qui scit & cognoscit utilitatem & necessitatem Ecclesiae, in qua talis Ordinandus residere debet. (x) Potest etiam Episcopus cum Religiosis, etsi exempti sint, dispensare in interstitiis temporum, quia hæc dispensatio est reservata Episcopo. Imo: & Capitulum Cathedrale Sede vacante, in interstitiis dispensare potest, in iis casibus, in quibus licentiam ordinandi, seu: Ordines suscipiendi dare potest suis Diaceranis, quia succedit in iis, quæ ad ordinariam Episcopi jurisdictionem pertinent. (y) Pariter: & Vicarius Episcopi, habens generale mandatum, potest absente Episcopo remittere interstitia. (z)

VIII.

(w) Conc. Trid. loc. cit. (x) Pirrh. h. t. nro 89. (y) Piaſeckj in Prax. Episc. par. 1. cap. 1. art. 8. nro 5. (z) Sacr. Congr. Conc. die 5. Martii. 1597.

VII. Ad dispensandum in interstitiis major requiritur causa in promotione à Minoribus Ordinibus ad Subdiaconatum, quàm ab hoc ad Diaconatum, nam: in hac promotione res tota committitur absolutè judicio Episcopi, ita ut dispensare possit ex quacunq; causa, in priore verò requiritur necessitas, vel utilitas Ecclesiæ, arbitriò Episcopi determinanda; idq; ex eo, quia in promotione à Minoribus Ordinibus ad Subdiaconatum mutatur status, non item à Subdiaconatu ad Diaconatum, cum jam sit mutatus; & Ordinandi pro Subdiaconatu debent benè probari, utrum sperent se continere posse? (a) Rursus: major & gravior causa requiritur ad dispensandum in interstitiis, in promotione à Diaconatu ad Presbyteratum, quàm in ascensu ad alios Ordines inferiores, nam: ad dispensandum in interstitiis inter Subdiaconatum & Diaconatum requiritur & sufficit solum arbitrium Epi-

(a) Pastor. De Benef. Eccles. lib. 3. tit. 42. nro 9. Paulut. in Jurispr. Sacr. tom. 2. lib. 5. tract. 7. cap. 7. nro 7. vers. Perpetua. Pax Jordan in Elucubr. Canon. tom. 1. lib. 3. tit. 6. nro 425.

Episcopi, seu: quæcunq; causa; inter
inter Minores Ordines & Subdiaconatum
requiritur necessitas, aut utilitas
Ecclesiæ disjunctivè; in dispensatione
verò interstitiorum inter Diaconatum
& Presbyteratum requiritur necessitas
& utilitas copulativè, ita; ut non
sufficiat sola utilitas, sed exigatur
etiam necessitas; (b) cum Sacerdotii
ministerium sit omnibûs reliquis
majus & sublimius. Non tamen
requiritur causa necessitatis & utilitatis
publica & extraordinaria, sed sufficit
talis, quæ prudenti judiciô Episcopi
spectatis circumstantiis loci & temporis,
ac conditione personæ Ordinandæ
hic & nunc sufficiens judicatur. (c)
Ejusmodi causa sufficiens dispensandi
in interstitiis à Diaconatu ad Presbyteratum
censeri potest eminens doctrina,
vel morum probitas, vel alia Ordinandi
merita; præsertim: cum Ecclesia
talibûs quoq; Ministris indigeat.
(d) Porro: causæ majores, ob quas
potest concedi indultum recipiendi
Ordines non servatis interstitiis sunt:
1ma Beneficium exigens Ordinem Sacerdot-

(b) Conc. Trid. d. Sess. 23. cap. 14. (c)
Barbos. alleg. 18. nro 5. (d) Pirrh. l. s. c.

cerdotalem, vel Capellania perpetua,
cui quis per se ipsum inservire debet.
2da. Penuria Sacerdotum in iis parti-
bus. 3tia. Patris, vel Matris conso-
lacio, dummodo Pater aut Mater,
quinquaginta ætatis annos excedat, &
Ordinandus per triennium in Clericali
statu sit versatus. 4ta. Canonicatus
in Cathedrali, vel Collegiata Ecclesia,
Referendariatus utriusq; Signaturæ;
aut Familiaratus Summi Pontificis.
5ta. Doctoratus in Theologia, vel in
Utroq; aut saltem in Canonico Jure,
aut studium dictarum scientiarum per
triennium. 6ta. Excessus ætatis supra
vigesimalium sextum annum, dum-
modo per triennium in habitu Cleri-
cali sit versatus ille, qui petit indul-
tum. (e) Ob alias causas, nimirum:
Nobilitatis, aut quia quis est adscri-
ptus alicui Ecclesiæ, vel quia habet
onus Missarum non proveniens ex Be-
neficio; concedi non debent prædicta
indulta. (f) Quod si Episcopus Cle-
ricum

(e) *Sacr. Congr. Conc. die 7. Aug. 1627.*
teste Barbos. in Coll. Bull. verb. Parochus. fol.
534. Const. Innoc. XII. quæ incipit = spec-
ulatores = &c. (f) Corrad. in Prax. Di-
spensat. Apostolic. lib. 4. cap. 4. nro 4. 5. & 6.

ricum intra anni curriculum ad Ordinem Sacrum promoveat, sciens illum annum nondum elapsum esse, hōc ipso censetur tacitè cum ipso dispensare in interstitiis temporum. (g)

VIII. Episcopus, qui eodem die, vel duobus continuatō jejuniō, immediatè sequentibus, duos Ordines Sacros alicui confert, suspendendus est à collatione utriusq; Ordinis; qui verò suscipit, ab Executione posterioris solum illegitimè suscepti tamdiu suspensus est, donec à Summo Pontifice absolutionem impetraverit. (h) Episcopus verò, qui ordinavit subditos non servatis temporum interstitiis, à jure præscriptis, nullam pœnam incurrit; (i) neq; sic Ordinati absq; expressa, aut tacita dispensatione, aliquam censuram, vel irregularitatem contrahunt, quia nulla pœna, aut censura jure communi, nec per Concilium Tridentinum decreta est, quamvis sic
Ordin-

(g) *Barbos. loc. cit. nro 7. (h) c. Literas. b. t. Const. Pii II. quæ incipit Cum ex Sacrorum. &c. Suar. disp. 1. De Censur. sect. 1. nro 40. Barbos. alleg. 14. nro 11. Layman lib. 5. tract. 9. cap. 10. nro 10. (i) Navarr. lib. 3. Cons. 4. Barbos. alleg. 18. nro 11.*

Ordinatus puniri possit à suo Ordina-
rio aliâ pænâ arbitrariâ, tanquam
transgressor Canonis. (k)

Casus.

IX. Fridericus Pastor Evangelicus
in familiari colloquio sustinebat fami-
nas more sectæ suæ capaces esse Ordini-
nis suscipiendi, quod illi Felicianus
Sacerdos Catholicus per omnia negabat.

Resolutio.

X. Dicebat Fridericus *imò.* quòd
in Christo JESU non est Masculus,
nec femina; (l) hinc inferebat, in
Christi quoq; Ecclesia, ejusq; Mini-
stris non debere esse discrimen ma-
sculi à femina, *2dò.* In veteri te-
stamento fæminæ fuerant Prophetissæ,
nam Maria Soror Moylis propheta-
vit; (m) sicut & in novo Anna filia
Phanuel; (n) si ergo capaces sunt
prophetiæ, etiam Ordinis videntur esse
capaces, cùm per prophetias aliis quò-
dammodò superiores existant, eosq;
docere possint, quæ per prophetiam
didi-

(k) Zerol. in Prax. Episc. par. 2. verb.
Ordo §. 8. pag. 79. Sayr. h. t. decis. 56.

(l) Galat. 5. (m) Numer. 12. (n) Luc. 2.

didicerunt. 3116. Postquam S. Paulus docuit, quales essent Diaconi ad ministerium Ecclesiæ eligendi, scilicet: pudici, non bilingves, &c. statim subicit mulieres debere quoq; esse pudicas, (o) indicans eas ejusdemmet electionis esse capaces. Quod amplius confirmavit idem Apostolus dicens = Vidua eligatur non minus 60. annorum, quæ fuerit unius Viri uxor = (p) sicut etiam de Diacono dixit, ne eligatur nisi sit unius uxoris vir. (q) 4to tempore nascentis Ecclesiæ non solum viduæ, sed etiam Virgines eligebantur, quæ in Templo ministrabant. (r) Imò: S. Paulus scribens Romanis ait = Commendo vobis Phæben Sororem nostram, quæ est in ministerio Ecclesiæ, quæ est in Cenchris. (s) Jus quoq; Canonicum Presbyterarum & Diaconissarum mentionem facit. (t)

XI. Catholicus verò Sacerdos in patientia & silentio, [ut semper nostri assolent) exaudito Pastoris Evangelii-

(o) 1. Tim. 3. (p) 1. Tim. 5. (q) 1. Tim. 3. (r) Conc. Chalcedon. Act. 15. cap. 16. Synodus Græcorum in Trullo. Can. 43. (s) Rom. 16. (t) Can. Presbyter. Can. Miles. Dist. 32. Can. Diaconi. Ann. 27. qu. 1.

gelici discursu, negavit per omnia-
faminas capaces esse Ordinis suscipien-
di, tum ex perpetua Ecclesiæ traditio-
ne, confirmata continua praxi ejus-
dem veræ Ecclesiæ, quæ nec Beatissi-
mæ Virgini, licet si omnium mulierum
Sanctissimæ, nec aliis Sanctis mulieri-
bus aliquem unquam Ordinem con-
tulit; tum ex effectû & natura Ordinis,
qui est constituere Ordinatû in gradu
superiore & eminentiore, inter reliquos
fideles, cum potestate, eos docendi, ip-
sisq; Sacramenta administrandi, cujus
superioritatis fæminæ jure Divino incapaces
sunt, juxta illud S. Pauli = Mulieres in Ec-
clesia taceant, non enim permittitur
eis loqui, sed subditas esse, si quid au-
tem volunt discere, domi viros suos
interrogent, turpe enim est mulieri,
loqui in Ecclesia. (u)

XII. Ita rem suam egit Catholi-
cus Sacerdos, sed ne Evangelicum-
Pastorem tutum, securumq; in sua
sententia reliquisset, ad fundamenta
opinionis illius sic respondit. Et qui-
dem *Imo*. In Christo JESU, Ejusq;
lege

lege nullum est discrimen inter masculum & feminam, quò ad justificationem per Baptismum; & gratiam ibidem communicatam; de hoc enim loquitur S. Paulus, ut patet ex verbis paulò ante præmissis = Omnes enim Filii Dei estis per Fidem, quæ est in Christo JESU; quicumq; enim baptizati estis; Christum induistis. = & statim subjungit = Non est Judæus, non servus, neq; liber, non est masculus, nec femina &c. = De Ministris autem Templi eorumq; Ordinibus nihil ibi S. Apostolus egit; malè itaq; textum S. Pauli intellexit Evangelicus, malèq; eum in suam sententiam traxit. 2dò Dici absq; labe falsitatis nequit, quòd Propheta ratione prophetiæ in alios potestatem habeat, eosq; ex officio docere possit, licet non prophetas in eo dono excedat, eosq; instruere possit in iis, quæ per prophetiam didicit. E contra verò Ordinatus ratione Ordinis & aliis superior est, & eos ex officio docere potest. Quamvis igitur nonnullæ feminae donum prophetiæ habuerint, inde tamen inferri nequit, quod habuerint superiores.

rioritatem super alios, quod eos docere potuerint, ac quod fuerint, sive capaces suscipiendorum Ordinum. 3^{ro}. Verum est, quod in initio nascentis Ecclesiæ viduæ eligi consueverant, non quidem: ut ministeria Ordinis exercerent, sed ut votum castitatis emittentes, redditibus & eleemosynis Ecclesiæ alerentur. Quare ibi monet Apostolus, ne hæ eligantur adolescentiores, sed postquam affecutæ fuerint 60. ætatis annos, idest: ne in hunc statum vidualem, cui votum continentię annexebatur, cooptentur in tenera ætate, ne fortè postquam iis redditibus & eleemosynis sustentatæ fuerint, primam fidem, idest: promissionem continentię irritam faciant, nubentes. 4^{to}. Illæ mulieres tempore antiquo vocabantur Presbyteræ & Diaconillæ, vel quia earum mariti facta thori separatione ordinati sunt in Diaconos, Presbyteros, & Episcopos (w) vel quia illæ in Templo Diaconis, aliisq; Ec-

G ecclesiæ

(w) Synodus II. Thuronica. Can. 13. 14. & 20. Conc. Antissiodorens. Can. 21. & 22. Coninch. disp. 10. dub. 10. nro 96. Vajqu. disp. 245. cap. 2. nro 3. Henricus lib. 14. cap. 8. nro 6.

clesiæ Ministris ministrabant in iis, quæ ab ipsis erant mandata, [x] unde non consecrabantur, ut ex proprio officio & munere ministrarent, sed ut ex imperio aliorum inservirent, ac proinde: nullum Ecclesiasticum Ordinem recipiebant. (y) Earum autem ministerium consistebat in sequentibus officiis. 1mo. Competebat illis instruere mulieres in iis, de quibus cum Diaconis & Episcopis agere deberent. (z) 2do Assistebant ad Templi ostium, quò mulieres ingrediebantur, ut dignas admitterent, & indignas excluderent. (a) 3tio. Abstergebant mulieres, quarum facies in Baptismo Oleo Sancto ungebantur, ne à Viris aspicerentur. (b) 4to Levabant de Sacro Fonte mulieres baptizandas. (c) 5to demum Ad domos mulierum mittebantur ab Episcopo, cum aliquod munus ibi erat peragendum (d) En! cur nonnullæ mulieres vocabantur Diaconissæ,

Pre-

(x) Th. Schmitz h. t. qu. 2. nro 1. (y) S. Epiph. hæresi 79. Valentia tom. 4. disp. 9. qu. 4. pun. 1. ad fin. (z) Clemens Romanus lib. 2. Constit. cap. 26. (a) Id. cit. lib. cap. 57. (b) Id. lib. 3. cap. 15. (c) Id. ibid. cap. 16. (d) Id. d. cap. 15.

Præbyteræ, imò & Episcopæ; non verò quia aliquem Ordinem susceperant; quod quia à primordiis nascentis Ecclesiæ non admittebatur, neq; nunc admitti potest, aut debet.

§. VII.

Qualitas Ordinandorum quò ad examen.

I. Examen, quod in Jure vocatur Scrutinium, nil aliud est, quàm inquisitio Ordinandorum facta ab eo, ad quem spectat. Estq; triplex: unum remotius, alterum ante ipsam Ordinationem, ultimum in ipsa Ordinatione.

II. Ubi usus adhuc est, examen remotius præmittitur Ordinationi sæcularium in Parochia propria; de quo diximus supra. (e) Ubi verò talis inquisitio non est in usu, (quemadmodum apud nos in Polonia defactò non practicatur) illius locò sunt testimonia Parochorum & Professorum. (f) Quò verò ad Regulares, in quibustalis inquisitio necessaria non est, sunt testimonia Prælatorum Regularium. (g)

III. Proximè ante Ordinationem

G2 præ-

(e) hic §. 3. nro 1. (f) Engel. h. t. nro 1. Pirrh. h. t. nro 2. (g) Gallemart in Declar. ad cit. loc. Conc. Trid.

præmittendum est examen, quod Archidiaconus, ad quem de jure communi hoc examen spectat, (h) intimare debet hac vel simili Literarum Innotescentialium.

FORMULA.

JOSEPHUS
CHYCZEWSKI,

Utriusq; Juris DOCTOR, Ecclesiæ Cathedralis Cracoviensis
ARCHIDIACONUS.

Universis & singulis ad quoscunq; Minores scilicet, & Sacros Majores Ordines aspirantibus salutem in Domino.

IV. Quoniam Ecclesiastici Status officium & dignitatem, eorum præcipue, quos ad cooperationem & salutem animarum Divina dispositione, vocatos, omnis possibilis & requisita undequaq; decet & concernit perfectio, non supponi tantum, sed probari SS. Canones oportere præcipiunt: Et licet multa de Ordinandorum dispositione ubivis cuiq; præstare esse non dubitamus, nonnulla tamen particularibus ex causis, ad præliminaria Examinis generalis opportuna addere

(h) Ad hæc De officio.

dere vel innovare, congruum esse arbitramur. Proinde: ante omnia, omnibus Ordinandis notum facimus. Quia Nos Divina suffragante Gratia pro Officii Nostri Archidiaconatûs munere Examen publicum Die N. Mensis & Anni currentium inchoabimus, illudq; sequentibus diebus continuabimus, pro quo examine aspirantes (*hic ponatur dies, quô Clerici seculares, & dies, quô Regulares pro dicto examine comparere debent, ubi etiam ponitur & hora diei*) Promovendi in decenti habitu, capillis tonsis, in Cantu Gregoriano benè & sufficienter exercitati, Literas legitimi ortûs cum subscriptione sigilli, bonæ conversationis & morum, testimonii super exercitio sui Ordinis, ac vitæ spiritualis, Provisionis juratæ, aliàs: Institutionis Canonicæ, vel Inscriptionis Patrimonii, Obedientiales Professionis emissæ, insuper: studii diligentia, aliasq; ex præscripto Concilii Tridentini, & SS. Canonum, Constitutionum Prôvincialium requisitas habentes, servatis Interstitiis [nisi aliter cum non servantibus dispensatum fuerit]

tri] compareant, seq; prædicto Exami-
ni subijciant, super genere, Persona,
ætate, Institutione, moribus, Fide &
doctrina, alias pro diversitate Ordini-
um fideliter & competenter respon-
suri, ex universa Theologia Morali,
cujus studium tam in Seminariis, quàm
in Religiosorum Communitatibus di-
ligenter pertractandum seriò recom-
mendamus. Jam verò ad inscriptionem
ante duos dies inchoandi Exami-
nis convenient, demandamus. In-
quorum fidem &c. Datum N. Annò
N. Die N. Mensis N.

V. Adveniente Examinis tempore
Archidiaconus in eo adscitís sibi aliis
Sacerdotibûs, Viris prudentibûs, Le-
gis Divinæ peritis, & in Ecclesiasticis
functionibus exercitatís, Ordinando-
rum mores, doctrinam, genus, perso-
nam, ætatem, institutionem, Fidem,
irregularitates, si quibûs non sunt
innodati, aliasq; qualitates, quas hic
per totum recensuimus, diligenter in-
vestigare & examinare debet. (i) Ii
verò Viri, quos sibi ad faciendum hoc
examen Archidiaconus adsciverit, ca-
vere

(i) Conc. Trid. loc. cit. Can. Nullus Dist. 24.

vere debent, ne aut favoris gratiâ, aut
cujuscunq; muneris cupiditate illecti à
vero devient, ne indignos, & minùs
idoneos ad Sacros Gradus suscipiendos
Episcopi manibus applicent. (k) Epi-
scopus tamen potest hoc examen re-
mittere, si aliunde habeat sufficientem
notitiam de idoneitate Ordinandi, sed
non debet id facere ordinariè. (l)

VI. In hoc examine, libertas Or-
dinandi probatur per publicum testi-
monium Magistratûs loci, unde illæ
oriundus est. Natales, ætas, Fides pro-
bari solet per testimonium proprii Pa-
rochi, manibûs ejusdem Parochi loci,
ac Decani Foranei subscriptum, & u-
triusq; sigillò munitum, ut praxis Diæ-
cesis Nostræ Cracoviensis fert. Cujus
quidem testimonii contextus ille debet
esse, prout reperitur in Libro Baptiza-
torum, nihil addendo, vel minuendo,
neq; etiam mutando, idq; sub nulli-
tate hujus testimonii, quod Parochi re-
quisiti ab Ordinandis, vel ab aliis ex
dicto Metrices Baptizatorum Libro
edere possunt in hunc modum =

FOR-

(k) *Can. Quando. d. Dist. 24. (l) Sacr.
Congr. ap. Gallemart. loc. cit.*

F O R M A
Testimonii Baptismi.
FRANCISCUS
ZIEBINSKI,

Utriusq; Juris DOCTOR, Ecclesiarum
Collegiatæ SS. OO. Cracoviæ DECA-
NUS, Parochialis Andreoviensis PRÆ-
POSITUS, Consistorii Generalis Cra-
coviensis ACTUARIUS.

VII. Universis & singulis, quorum
interest, aut interesse poterit, præsentibus
Literis notum facio reperiri in—
Libro Metrices Baptizatorum Ecclesiæ
Parochialis N. testimonium tenoris se-
quentis. = Annô N. die N. (*hic po-
natur annus & dies Baptismi infantis*)
R. N. (*hic ponatur nomen & cognomen
Baptizantis*) Curatus, vel Vicarius e-
jusdem Ecclesiæ Parochialis N. bapti-
zavit N. (*hic exprimatur nomen Bapti-
zati*) GG. vel HH. vel LL. NN. (*hic
ponantur nomina & cognomina Patris &
Matris Baptizati*) Conjugum Legiti-
morum, Patrini fuerunt NN. (*hic in-
ferantur nomina & cognomina Levan-
tium de Sacro Fonte.*) In quorum fi-
dem præsentibus Literas manu propria—
subscripsi, & sigillô Ecclesiæ meæ Pa-
rochialis communi Datt. N. Annô N.
Die N. Quod

Quodsi contigerit, ut sæpius contingit, infantem baptizatum fuisse, domi, cærimonias verò Baptismi absolutas esse in Ecclesia, in dicto Baptismi testimonio scribatur = Annò N. die N. R. N. (*hic scribatur nomen Baptizantis domi*) baptizavit domi ob imminens periculum (*vel si alia de causa, hic exprimatur*) NN. ac tandem R. N. supplevit in Ecclesia cærimonias. &c.

Si verò ob aliquam justam causam, (v. g. si ad Patriam ab hostibus occupatam aditus non pateret, aut si Libri Metricæ igne comburerentur, vel casu aliquo perirent, si negligentia Parochi non conscriberentur) tale testimonium haberi non possit; tunc natalis ætas, ac Fidei Ordinandi probatio probabiliter per testes, aut famam admitti potest.

VIII. Mores & vitæ probitas Ordinandi probanda est per Literas testimoniales vel Prælati, sive Religiosi Superioris, si Ordinandi sint Religiosi, vel Decani, si in Ecclesia Cathedrali, aut Collegiata versentur ii, qui Ordines petunt, vel Rectoris, Magistri, aut Præfecti, si in aliqua Academia, Gymnasio, vel Seminario degant; vel deniq;

niq; Parochi. Doctrina non per testes & famam, sed per actuale examen probari debet, quia: cum hæc sit quid extrinsecè adventitium, & accidentale, non præsumitur alicui inesse. (m) Immunitas à censuris & irregularitatibus non aliter probatur, quàm per assertionem Ordinandi, cum: nemo præsumatur deliquisse, nisi id ostendatur. Hinc: si v.g. Mater habens unicum filium, volentem indui habitu Clericali, ut eum ab hac intentione removeret, diceret coram Examinatoribus eundem esse illegitimum, adeoq; incapacem Ordinis suscipiendi, hi dicto Filio se esse legitimè natum dicenti potius, quàm Matri illius illegitimitatem thori alleganti credere debent; neq; ipse filius, qui communiter censetur natus esse ex legitimo Matrimonio, fidem Matri suæ eo in casu præbere tenetur, etiamsi Mater id cum iuramento affirmaverit, quia alleganti suam turpitudinem mulieri cum præiudicio tertii, non est danda fides. (n) Deniq; de corporis qualitatibus per experimentum sensuum cognitio querenda est. IX.

(m) *Barbos. De offic. & potest. Episc. alleg. 10. nro 17. & 18. (n) DeLugo disp. 13. sect 3. nro 62.*

IX. Hi modi examinandi Ordinandos sufficiunt tunc, quando hi sunt promovendi ab Episcopo originis, nec alibi contraxerunt domicilium; quia si Ordinandi sunt ab Episcopo domicilii, & à propriæ Diæcesis loco discesserunt in ea ætate, qua potuerunt alicui impedimento Canonico obnoxii effici, tunc Episcopi etiam originis testimoniales Literas de suis natalibus, ætate, & vitæ moribus afferre debent. Sicut pariter: quia Religiosi Ordinandi testimonium super prædictis qualitatibus afferre pro examine debent, quod non sit antiquius duobûs mensibûs à die examinis computandis, ideo si Religiosus Ordinandus diutius à Monasterio abfuerit, hoc testatum afferat ab eo Monasterii Superiore, in quo proximè commoratus est. Qui verò ad Ordines promovendi sunt ab Episcopo ratione & titulo Beneficii, in illius Diæcesi obtenti, si à proprio Episcopo Clericalem Tonsuram jam acceperunt, debent ante ulteriorem Ordinum susceptionem testimoniales Literas proprii Episcopi tam originis, quàm domicilii, super suis natalibus, ætate,

etate, moribus, & vita Episcopo ordinaturo exhibere, quæ in Actis illius Curiae conservandæ sunt. (o)

X. Qui sine præmissis examine sunt ordinati, si ignoti sint, deponi debent, etiamsi aliàs digni fuerint, (p) id ipsum dicendum est de notis quidem, sed indignis, (q) multò autem magis deponendi sunt ignoti, & indigni. Quod si verò noti sunt & digni, non sunt deponendi, licet si abiq; præcedenti scrutinio fuerint ordinati. (r) Quòd si autem quispiam Ordinandus non fidens suæ scientiæ, roget alterum, ut locò illius examen subeat, ac tandem rogans succedente Ordinationis die se sistat, eòq; non attentò, quod Episcopus Ordinans per Archidiaconum sibi assistentem declaret, quòd nullum velit ordinare, qui non fuit in examine, propter multitudinem Ordinandorum non agnitus inter reliquos accedat, recipiatq; Ordinem: ille sic sine examine Ordinatus, suspensus est ab executione Ordinis, in qua suspensione potest

(o) Innoc. XII. in sua Const. *Speculatores*. sup. cit. (p) Can. *Si quis*. Dist. 24. (q) Can. *Si quis* Dist. 81. (r) Can. *Nullus*. d. Dist. 24.

test Episcopus dispensare, nisi sub pœna excommunicationis prohibuerit, ne ullus non examinatus accedat, tunc enim, si delictum sit publicum, dispensat solus Summus Pontifex. [s] Jam verò sistens se locò Examinandi, ac successivè Ordinandi, licèt sit reus peccati mortalis ex eo, quòd Ecclesiam decipiat in re gravi, attamen nulla reperitur pœna jure expressa, quam incurrat. (t)

XI. Ultimum tandem examen fit in ipsa Ordinatione, in qua Archidiaconus (cujus officium de jure communi est, præsentare Episcopo promovendos ad Sacros Ordines, [u] nomine totius Ecclesiæ dicit = Postulat S. Mater Ecclesia, ut hunc, vel hos Subdiaconos ad Ordinem Diaconatûs, ut hunc, vel hos Diaconos ad Ordinem Presbyteratûs promovere velis. = tunc Episcopus Ordinans interrogat Archidiaconum = Scisne illum vel illos esse dignos? qui respondet,

(s) c. *Veniens. De eo, qui furt. Ord. susce.*

(t) *Barbos. in d. c. Veniens. nro 2. Pirrh. tit. De scrutin. in Ord. faciend. nro 8. (u) c. Us nostrum. De Offic. Archid.*

det, scire se & testificari eos esse dignos, quantum humana fragilitas nosse, seu scire sinit. = Quamvis autem Ordinandus revera sit indignus, non peccat Archidiaconus, sic respondendo, dummodò nesciat eum esse indignum, adeoq; non loquatur contra suam conscientiam; nam: non simpliciter asserit illum esse dignum, sed quantum humana fragilitas nosse sinit; quandoquidem illum, quem indignum esse non novit, dignum æstimare debet. Quare: Episcopus tali testimoniò securè uti, & ad ordinandum procedere potest, nisi fortè de indignitate Ordinandi ipsi aliunde constet. (w)

Casus.

XII. Josephus Archidiaconus eum, quem præsentare debet Episcopo, ob occultum crimen, quod in præcedenti publico examine non est manifestatum, ex privata scientia novit esse indignum suscipiendorum Ordinum, & neq; privatim monendo, neq; deferendo ad Superiorem, v. g. Metropolitanum, quidquam se profecturum præ-

(w) c. un. De scrutin. in Ord. faciend.

prævidet, eò: quod crimen probare, nequeat, ideoq; fides nudis ipsius allegationibus non habebitur; hinc scrupulis angitur, qua ratione de dignitate illius per verba superius expressa coram Episcopo Ordinante testificari possit?

Resolutio.

XIII. Videtur quidem, quod Archidiaconus debeat propalare occultum Ordinandi delictum, quia alias ageret contra prohibitionem factam, ab Innocentio XI. circa restrictionem mentalem, in propositione damnata 26. & 27.

XIV. Sed tollendo alii scrupulum Archidiaconi, consulunt, ut eo casu curet se absentare, & pro ea vice officium præsentandi alteri committere; quod si non possit declinare sine nota suspicionis & infamationis Ordinandi, præcipue: cum hic solus & unicus est ad ordinandum, tunc absq; mendacio poterit verba illa præscripta dicere; neq; contra suam conscientiam loquetur, quia illa verba dicet, ut Persona Publica, & in Persona Ecclesiæ, quæ
igno-

ignorat indignitatem Ordinandi. (x)
Imò: & ipse Ordinandus probabilius
in conscientia non tenetur manife-
stare suum occultum delictum, vel im-
pedimentum Juris Ecclesiastici; v. g. si
delirium capitis, aut morbum cadu-
cum certis anni temporibus patiatur;
(y) nam: Jus Ecclesiasticum hanc o-
bligationem nullibi imponit; & saltem
non satis probatur, dari tam gravem
obligationem, se ipsum vel infamandi,
vel saltem impediendi à tanto favore,
quem quis consequitur ex Ordinibus. (z)

XV. Non obstat itaq; illa prohi-
bitio facta ab Innocentio XI. circa
restrictionem mentalem; quia licet si
Archidiaconus loquatur cum restri-
ctione mentis, attamen sub tempus
Ordinationis non respondet Episcopo
Ordinanti ex scientia privata, sed ex
publica; delictum autem Ordinandi
cum sit occultum, sine diffamatione
illius publicari nequit. (a)

XVI.

(x) Pirrh. loc. cit. nro 7. Hostien. ibid. §.
sed quid si. Innoc. verb. Nuntiavit. Abb. in fin.
(y) Pichler tit. De scrutin. in Ord. faciend.
nro 4. & 5. (z) arg. c. Criminosus. h. t. (a)
Cardenas in sua Crisi Theologica. dissert. 19.
cap. 4.

XVI. Ad finem hujus Opellæ, pro majori Ordinandorum commoditate, ut Clerici tam Sæculares, quàm Regulares eò paratiores ad publicum examen accedant, & nè quærant inutiles inſcitix ſux exenſationes, ponitur.

Distributio

Univerſa Theologia Moralis

Pro examinibus ad tres Sacros Ordines, pro ſola quidem Cracoviænſi Diœceſi A. D. 1766. per Examinatores pro tunc facta, ſed omnibus Diœceſibus utiliter ſerviens.

Ad Subdiaconatum.

1. De Actibus Humanis & Conſcientia.
2. De virtute Religionis cum ſuis actibus, Oratione, & Horis Canonicis, Voto, Juramento, & Præceptis quoq; Dies Dominicos & Feſtos colendi, ac Vitiis Religioni oppoſitis, nominatim: Simonia.
3. De Beneficiis Eccleſiaſticis.
4. De Obligationibus Clericorum, Beneficiatorum, Curatorum, & de Statu ac Obligationibus Religioſorum.
5. De Sacramentis in genere.
6. De Cenſuris in genere, & in ſpecie, & de Irregularitatibus.

H

Ad

Ad Diaconatum.

1. De Legibus.
2. De Virtutibus Theologicis Fide, Spe, & Charitate, cum Præceptis eorundem, etiam Eleemosynæ, Correctionis Fraternalis, & Vitæ unicuique Virtuti oppositis.
3. De Virtutibus Moralibus, cæteris scilicet præter Religionem, Justitiam & Pœnitentiam, nominatim: de speciebus Temperantiæ, Abstinentiæ, Sobrietate & Castitate, ac Justitiæ annexa Veracitate, &c. unâ cum Vitiis his Virtutibus oppositis, etiam quæ inter Capitalia numerantur, & Præceptis Dei aut Ecclesiæ, quæ his in materiis occurrunt, ut sextum Decalogi, & tertium Ecclesiæ. &c.
4. Continuatio de Obligationibus præcipuorum Statuum & Officiorum, nominatim: Personarum Judicialium, vel Forensium, atque etiam Dominorum & Servorum, Parentum & Filiorum, Opificum &c.
5. De Baptismo & Confirmatione.
6. De Sanctissimo Eucharistiæ Sacramen-

mento, cum Præcepto etiam Eccle-
siastico Communionis.

Ad Presbyteratum.

1. De Peccatis, ubi etiam accuratè de eorum distinctione & gravitate, de peccato mortali & veniali, Commissionis, & Omissionis, Ignorantiæ, Infirmi-
tatis, Malitiæ, & Habitu, de Peccatis merè internis. &c.
 2. De Jure & justitia, Injuriis & Restitutione in genere & in particulari pro varietate Bonorum.
 3. De Contractibus in genere & in specie.
 4. De SS. Missæ Sacrificio.
 5. De Pænitentia, cum iis etiam, quæ pertinent ad Confessarium, Calus reservatos, Absolutionem, Sigillum. &c. præterea quoq; de Indulgentiis & Extrema Unctione.
 6. De Matrimonio, ejusq; impedimentis, & eorundem dispensatione.
- Præterea: omnes universim de Ordine, ejusq; Officiis respectivè. Studium quoq; Dogmaticum & Canonicum omnibus, quibus facultas superpetet iis vacandi, magnopere commendatur, sed & de aliis Exercitationi.

tionibus Ecclesiasticis, ut de Rubricis Breviarii, & Missalis, atq; Ritualis, ratione Cathedizandi, & Verbum Divinum prædicandi &c.

Hinc Illi

Qui est Sacerdos in æternum secundum Ordinem Melchisedech. (b)
LAUS. HONOR. & GLORIA.

(b) Hebr. 5.



P E R M I S S U

*MAGNIFICI, PERILLUSTRIS, CLARISSIMI
& ADMODUM REVERENDI DOMINI*

**D. M. ANTONII, NICOLAI
KRZANOWSKI,**

Sacrae Theologiae DOCTORIS & PROFESSORIS, Ecclesiae Collegiatæ Sancti FLORIANI, Clepariæ ad Cracoviam PRÆPOSITI, Contubernii Hierosolymitani PROVVISORIS, Universitatis Cracoviensis SENIORIS PATRIS, Ejusdemq; Studii Generalis Amplissimi

R E C T O R I S.



.
.
x

-

✠

IT

I,

O-

ai

am

y-


is

us

✠

✠

2641.



6b 7 IIIA

Biblioteka Jagiellońska



stdr0016518

